



7pm - 7am  
October until December 2012

# 19<sup>th</sup>

/MB

TELKOM PNG  
Always Here

Off peak Internet Prepaid rates  
reduced for the rest of the Year

24/7 Customer Care: Call 345 6789 or www.telkompng.com.pg

REDI NAU: Ol Ami, Polis na CS bai mekim bikpela wok nau long klinim na redim Mosbi Siti taim Prins Charles na meri bilong em Duchess of Conwalv Camilla Parker Bowles bai kam raun long Papua Niugini. Sikiriti tu long dispela taim bai strong stret long dispela raun bilong tupela marit. Poto i soim yangpela soldia i was long fleg bilong ol. *Poto Nicky Bernard.*

● Angliken sios hetman bai kam

## Pes 2

● Wol Fun De i min wanem?

Len Stewa - Pes 5

Pasin Boiman bilong Kulilau

Pes 13 ● 640 milian pipel long wol i aipas



## HOT OKTOBA DEALS

Kisim K5 fri credits lon wanwan mun insait lo tripla mun\*

CORAL 285 K49 including GST

ZTE 877 K49 including GST

NOKIA 310 K99 including GST

NOKIA 310 K199 including GST

SAMSUNG GALAXY K249 including GST

K15 FRI CREDITS!

Digicel will credit your account in 3 separate K5 instalments if you also top up your account. 1st K5 credited on 15 Nov if you top up between 1 Nov and 14 Nov; 2nd K5 credited on 15 Nov if you top up between 1 Nov and 14 Nov; 3rd K5 credited on 15 Dec if you top up between 1 Dec and 14 Dec. Each K5 credit is not transferable and expires in 15 days from the date it is applied. The K5 can be used only for voice calls and SMS (charged at standard rates). Digicel may withdraw the offer at any time without prior notice. Terms & conditions apply. See www.digicelpng.com.

WWW.DIGICELPNG.COM

Digicel

OX & PALM BRAND

# True Buli Bif Bilong PNG.

OX & PALM BRAND CORNED BEEF NET WEIGHT 340g

OX & PALM BRAND CORNED BEEF NET WEIGHT 200g

OX & PALM BRAND CORNED BEEF NET WEIGHT 200g

OX & PALM BRAND CORNED BEEF NET WEIGHT 340g



TELE Apdeit

19 toea wan MB data ret i on yet wantaim Telikom PNG

INDIPENDENS ofa bilong Telikom PNG long 19 toea of-pik data ret bairon yet inap long pinis bilong yia, bikos i gat gupela bekim long ol kastoma.

Ekting Sif Komesal Opisa bilong Telikom, Kone Kula, i tokaut olsem skruim bilong dispela 19 toea of-pik pripeid data sevis we i save ron long 7 kilok nait inap 7 kilok moning, i bin kirap long Septemba 6, 2012.

“Mipela bai go het wantaim dispela of-pik ofa ret bilong 19 toea long wan megabait daunlod inap long pinis bilong yia. Stendat ret bilong 29 toea long wan megabait bai on yet long 7 kilok moning i go inap 7 kilok nait. Na dispela tu, em i wanpela gupela ret yet bilong ol intanet yusa bilong mipela,” Mista Kula i tok.

Mista Kula i tok daunim bilong intanet ret bai karamapim olgeta Telikom pripeid data prodak olsem EVDO modem, Citifon, ADSL na WiMAX brodben.

Yusim bilong ol intanet sevis nau em i bikipela moa long ol hauslain long kantri we ol sosol netwok sait olsem Facebook em i bikipela namel long ol yangpela, na pasin bilong yusim email i larim ol wokmanmeri long pinisim gut ol wok bilong opis.

Olsem na dispela daunim of-pik ret bai gupela nius bilong ol Telikom intanet yusa husat i save amamas wantaim intanet spid we i spid moa long ADSL na WiMAX.



# Wol Angliken Sios amamas long kam long PNG

## ...Lukim ol sios memba na wok bilong sios

Veronica Hatutasi i raitim

HETMAN bilong Angliken Sios long wol, Asbisop bilong Kentaneri (Canterbury), Asbisop Dokta Rowan Williams i amamas long kam long PNG na lukim ol wok we sios bilong em i mekim long kontribuit long ol wok developmen bilong komyuniti na kantri.

Asbisop Dokta Rowan bai kam wantaim 4-pela nara-pela pipel long 5-pela de lukluk raun bilong em long PNG bai em i go lukim sios long Oro na Milen Be Provins na tu, insait long Nesenel Kapitel Distrik.

Ol lain i kam wantaim em em meri bilong em, Jane Williams, Reveren Canon Joanna Udal, em Sekreteri bilong Asbisop long Angliken Komyunien Afeas, Fiona Millicam em Laiosen Opisa bilong Angliken Komyunien bilong Asbisop bilong Kentaberi na Rait Reveren Jonathan Meyrick, Bisop bilong Lyn.

“Mi amamas long lukluk

raun i kam long PNG na lukim long ai bilong mi stret laip bilong sios long dispela kantri, na kontribusen em i mekim long komyuniti,” Asbisop Dokta Williams i tok long wanpela nius etvais bilong em.

“Mipela i amamas olsem bai mipela i kam long selebretim Kristen witness na ol sevis we sios i givim long ol komyuniti na lukim wok bilong sios long helt, edukesen na komyuniti developmen.

“Mipela i laik lukim tu ris kalsa na strongpela sosel laip long ol komyuniti na rot we ol i bungim ol salens bilong tude. i gat planti samting long laip bilong sios na kantri em i ken givim olsem gif long sios na wol.

“Mi amamas long ol bung bai mi gat wantaim ol sios lida bilong ol narapela sio na ol nesenel lida long wanem ol samting gavman i lukim olsem praioriti long pipel.

“Mi amamas long gavman bilong PNG long larim mi i kam, na sapot bilong em,”



ASBISOP: Dokta Rowan Williams

Asbisop Dokta Rowan i tok.

Angliken Komyunien o sios long wol i gat 38 provins na PNG i wanpela long ol.Sios i stap long 165 kantri long wol na populesen bilong en em 80 milian pipel.

Asbisop Rowan em i namba 104 sios lida bihain long Angliken Sios i bin kirap long yia 597 na namba wan lida i bin sanap.

Asbisop Rowan em i namba tri Angliken Sios wol lida i kam raun long PNG.

Namba wan visit em long 1977 we Asbisop Donald Coggan i bin kam long en taim Angliken Sios long PNG i bin kamap wanpela indipenden Sios, lusim mama sios long Australia. Asbisop George Carey i bin kam raun long dispela kantri long 1991 long stap long 100 kris-mas bilong sios long PNG.

Long wankain taim, Asbisop bilong Angliken Sios long PNG, Reveren Joseph Kopapa i tok ol Angliken Sios memba i amamas na wet i stap long lukim lida bilong ol.

Em i tok Angliken Sios long dispela kantri i lukim raun bilong em i kam long PNG olsem wanpela samting long wanem, em i kam olsem hetman na siaman long olgeta samting i bungim wantaim olgeta Angliken Sios memba long wol. Em i siaman bilong planti komiti bilong sios na wanpela em siaman bilong lambet Kon-prens we olgeta bisop bilong Angliken Sios i save bung bihain long olgeta 10-pela yia na toktok long ol samting

i karamapim sios.

Reveren Joseph i tok olsem wol lida, Asbisop bilong Kentaberi i save kempen long ol lain i nogat man long makim ol na toktok long ol hevi bilong ol olsem ol gavman i fos na sanap na i no wokim gut long pipel, turangu pasin, hangere na inapim ol Milenium Developmen Gol bilong Yunaitet Nesenens.

Reveren Joseph i tok long wokabaut bilong em i go long Popondetta, Asbisop Rowan bai opim nupela haus sik bilong Angliken Sios long Oro Be na tu, givim blesing bilong em long graun we ol bai sanapim Angliken Tisa Kolis klostu long Popondetta. Em bai lukluk raun i go long ol narapela ples long Popondetta.

Asbisop bai lukluk raun i go long Dogura Daiosis long Milen Be na wokim lotu long katitrel bilong Santu Peter na Paul na tu, lukim ples we ol namba wan Angliken misinari i bin kam kamap long PNG.

## Ol asailam sika long Nauru laik go bek long ples

OL imigresen opisa i tok tripela moa asailam sika em ol i salim ol i go long Nauru, lusim Christmas Ailan, nau i laik go bek long ples bilong ol, bihainim ol ripot olsem ol asailam sika i wok long traim kamapim bagarap long bodi bilong ol.

Dipatmen bilong Imigresen i no bin laik givim hamas long dispela ol pipel i bin traim bagarapim ol yet.

Louise Newman, wanpela profesa bilong divel-

opmen saikaiatri long Monash Yunivesiti long Melbourne, na bipo sia bilong wanpela grup em i no moa wok, em Detention Expert Health Advisory Group, i tok wanpela long ol man long hap, i bin laik kilim em yet.

“Em i no liklik bagarap long bodi, olsem sampela bai ting. Ol dispela lain i traim long kilim ol yet,” Profesa Newman i tok.

Wanpela stetmen bilong

ol asailam sika long Nauru, i tok: “Mipela i laikim ol opisal bilong Australia Dipatmen bilong Imigresen i hariap na prosesim ol imigresen pepa bilong mipela.

“Mipela i laikim tu ol intanesenel komiti olsem Red Cross, UN Komisina bilong Humen Raits, na Australia Humen Raits i mas stap na lukluk.”

Australia imigresen dipatmen i tok ol i wok long skelim ol protes long hap.

## Wol Fud De i min wanem?

INTANESENEL Fud na Polisi Risets Institut i tok long Wol Fud De, olsem ol kantri insait long Saut Asia i sot tru long kaikai.

Bihainim yet wok painim bilong 2012 Global Hunger Indeks, em tupela grup i putim aut, Welthungerhilfe na Concern Worldwide, 20-pela kantri i sot tru long kaikai, na ol kantri insait long rijen bilong Saut Asia i stap antap tru long mak bilong 22.5.

Long Sab-Sahara Afrika, ol i putim mak o skoa long 20.7.

Bangladesh, India na Is Timor, tripela kantri i stap

long dispela tok aut i painim bikipela namba bilong ol pikinini, em krismas bilong ol i stap aninit long 5, ol i no kisim inap kaikai.

Dispela Hunger Indeks i kamap long Wol Fud De, we long dipela yia, het toktok ol i makim, em long ‘Ol Agrikalsa Koporetiv – em ol ki bilong givim kaikai long wol’.

Long Pasifik, ol kantri i gat graun, gaden kaikai i pulap, na kaikai i planti.

Tasol taim ren na haiwara i bagarapim ol kaikai na gaden, ol pipel i save lukluk long ol narapela na nupela we bilong wok faming.



**RETPELA WAR:** Yupela i save lukim dispela tu? Bogenvil Ailan i gat ol kain kain samting, sampela we yu no nap painim long ol narapela provins. Lukim dispela retpela wara long Wakunai ol i kolimm long Red River i wanpela long ol. Wara ya i save ron i kam daun long wanpela maunten paia o volkeno ol i kolim long Maunt Balbi antap long ol maunten bilong Rotokas long Wakunai Distrik long Sentrel Bogenvil. Dispela bikipela wara em i ret na ol ston na ol narapela samting i stap long wara em ol i retpela. Sapos yu go daun wokabout long dispela wara, klos yu werim bai tanim retpela tu. Skin kala tasol bai no nap senis!  
**Poto: Veronica Hatutasi**



# JSB tok oraitim Bogenvil bai gat maining loa

Veronica Hatutasi i raitim

**BOGENVIL bai gat maining loa bilong em yet na tu, nesenel gavman bai sapotim ol wok long opim bek Panguna Main.**

Dispela em wanpela long ol samting we Join Supavaiseri Bodi (JSB) we i gat ol lain i makim nesenel gavman we Prait Minista, Peter O'Neill, i go pas long en, na ol lain long Otonomes Bogenvil Gavman (ABG) we Presiden Sif John Momis i go pas long en, i bin tok oraitim aste long wanpela de bung bilong ol long Kokopo, Is Nu Briten Provins.

Dispela em i namba wan bung bilong JSB long dispela yia, bihain long laspela bung ol bin gat long las yia.

Sif Momis i bin autim bikpela tok amamas long Is Nu Briten Gavana, Ereman Tobaining na pipel bilong em long gutpela welkam ol i givim long ol lain i holim bung long provins bilong ol na tu, long givim gutpela lukaut long ol Bogenvil pipel taim ol bin ronawe olsem ol re-fuji long taim bilong bikpela pait.

Tupela sait wantaim i amamas long gutpela wok bung na poroman i stap long taim bilong dispela JSB bung na ol i kamap wantaim dispela rekot bilong ol tok-tok long ol samting ol i tok orait long ol we i sut long ol wok redi long Bogenvil i kisim referendum, trense long ol pawa long nesenel gavman i go long ABG, ol negosiesen long opim bek Panguna Main, helpim ABG na Bogenvil Edministresen long gat inap na savelain long mekim ol wok, wari olsem ol wok long go hetim otonomi i no go het hariap olsem i stap long plen, ol projek bai pipel i lukim olsem ol i helpim ol long kisim sevis ns developmen na K500 milian spesel intavensen fan, ol samting i karamapim visa na imigresen na ol plen bilong rausim olgeta gan long Bogenvil.

Sif Presiden Momis i bin tokim JSB bung olsem ABG i lukim olsem opim bek Panguna Main em i bikpela samting we em i laikim nesenel gavman long lukim olsem wanpela eria em yet long Maining, Wel na Gesisu. Na ABG i wok long kamapim trensisenel ABG Maining Ekt bilong em yet.

"Bikpela as tingting long mipela i wokim dispela em long soim olsem ABG i mas kamapim ol maining loa bilong Bogenvil na olgeta stekholda i bihainim. Dispela i karamapim ol ovasis kampani, sampela long ol i no kisim tok orait o toktok pastaim wantaim ABG o ol PNG atoriti long ol wok maining ol i mekim long Bogenvil. Mipela i bilip olsem dispela loa bai stopim ol kain samting olsem," Presiden Sif Momis i tok.

JSB i tok orait long nesenel gavman long sapotim ol wok long opim bek Panguna Main na kirapim Panguna Kodinesen Komiti insait long ABG na ol wok redi ABG i mekim long kamapim Maining Loa bilong em yet.

JSB i bin tok oraitim long go hetim tu ol projek bai helpim long kisim sevis i go long ol pipel na kamapim gutpela senis long laip na sindaun bilong ol long go hetim neks yia olsem, Silim o putim kolta na stretim gut ol rot long Buka, Kokopau i go long Buin, Arawa i go long Siwai na Buin Siwai rot, apgretim Aropa ples balus, Kieta bris, Arawa haus sik, Arawa Buka wara saplai na surij, Bogenvil pawa apgreting, ridvelopmen bilong Arawa taun i karamapim tu ABG Edministresen na gavman hetkwata na Bogenvil Bris namel long Arawa na Buin program.

**FREE**

**SALARY ALERT**

**THINK BSP!**

Don't stand in queues on Payday.

Call 3201212 to register for BSP Salary Alerts

- ✓ Receive a SMS message as soon as your salary is deposited into your account.
- ✓ Free service so saves you time and money.

So get connected now.

Bank with PNG's Leading Bank - 24/7.

**BANK WITH A REAL BANK!**

**mobile banking**

To REGISTER or for more information talk to us anytime 24/7. Call 320 1212

Find Us On:

**Niupela Maggi MagicTeist**

Wanpela kain kuking pauda

Bai givim **BEST** teist long kainkain kuk



# PNG i no wanbel wantaim Australia

**GAVANA bilong Manus provins, Charlie Benjamin, i autim bel kaskas bilong en long gavman bilong Australia long pasim ai long ol wari bilong ol papa-graun long kirapim wanpela senta bilong ol asailam sika long provins.**

Em i sutim tok long gavman bilong Australia long em i no 'wari' o luksave long wokim asailam sika senta bilong en long Manus ailan.

Ol namba wan lain pipel

bilong ol asailam sika bai lusim Australia long go long Manus ailan long sampela wik kam.

Tasol Mista Benjamin i tok ol pipel long ples i laik lukim kaikai bilong ol 'developmen pekes' we Australia gavman i bin promisisim long ol.

Ol pipel bilong Manus i wari olsem ol kampani bilong narapela kantri bai kisim kontrak bilong bildim ol samting na provaidim sevis long senta, na ol asples PNG kampani bai abrus long kisim mani.



SEKAN: Bihain long Praim Minista Peter O'Neill na Imigresen Minista bilong Australia Chris Bowen i bin bung long Mosbi long Fraide, Oktoba 5, i nogat moa tok klia i kam aut long lukautim bilong asailam sika senta long Manus. (AAP Images)

## 'Bai mi ripot yet, mi no nap wari long ol i paitim mi' - PNG niusman Koma

WANPELA nius ripot bilong niuspepa Post Courier, i kisim bagarap long han bilong sampela ol lain sapota husat i paitim em, bihain long em i raitim stori na kolim nem bilong sampela ol distrik administreta long Simbu provins.

Ripota Michael Koma, husat i stap na save raitim ol nius stori long Simbu, i tok foapela man i sutim tok long em i putim nem bilong wanpela long ol distrik administreta bilong Karamui Nomane distrik long niuspepa, na ol i paitim em nogut tru.

Koma yet i tok em i kisim bikipela bagarap long pes na skin bilong em, na i go long haus sik.

Tasol em i tok em i no pret long raitim stori yet. Em i tok ol nius ripot em long tokaut long pablik ol samting we i no stret, o i stap ples hait, bai ol i ken save.

# LLEAD kos i helpim long kamapim ol gutpela komyuniti lida

## I kam long niusleta bilong SIL

LITERESI, lidasip, edukesen na developmen (LLEAD) kos long Sama Institut bilong Linguistiks (SIL) long Goroka, Isten Hailans i wok long trenim ol manmeri long kamap ol gutpela komyuniti lida.

Long pinis bilong mun Ogas, 13-pela man na tripela meri i bin pinisim wanpela LLEAD kos na go bek long ol wan wan ples bilong ol long go hetim ol samting ol bin lainim long kamapim ol gutpela samting long ol komyuniti bilong ol.

Dokta Neil R, Coulter husat i Dairekta bilong Lenguij Sevis lon g SIL-PNG it ok LLEAD e mi namba wan long ol 4-pela modul we i givim save long ol lain i sindaun long kos long trenim ol narapela long literesi o save long rit na rait.

Tasol em i mekim moa samting antap long dispela bikos em i givim ol sumatin prektikal rot long mekim ol samting long kamapim ol positive o gutpela developmen long ol komyuniti bilong ol.

Dokta Coulter i tok visen o driman long ogenaisesen bilong ol it ok, "Mipela i laik lukim ol lain bilong PNG i stap na save long tok bilong



God bai kamapim senis long stap na laip bilong ol komyuniti. LLEAD kos em i ki eria long inapim dispela visen."

Carson Evari bilong Aisi tokples long Oro Provins i tok olgeta lesen o skul em i lainim i gutpela, tasol samting i bin opim ai bilong em na helpim em gut em ol lesen o skul long komyuniti developmen na lidasip.

Em i tok tru, em bin go long hai skul, em no save long yusim kompyuta.

"Long save long yusim na wok long kompyuta i bin wanpela dri-man bilong mi. Mi wok long beten na Bikman i bin opim dua long mi long kam. Mi pre olsem Bikman bai larim mi long yusim save mi kisim long dispela kos na mi ken yusim save long kisim developmen na senis i go long ol pipel bilong mi,"

Taylor Tioja bilong tokples Ese long Oro Provins, i tok.

Ol lain i bin sindaun long kos i bin kamapim 50 ol wan wan buk long kisim i go long ol ples na na tokples komyuniti bilong ol.

LLEAD kos i wok long helpim ol man na meri i sevim gut ol komyuniti bilong ol olsem ol lida taim em i givim ol samting bilong helpim ol i skulim ol pipel bilong ol long kisim save long rit na rait.

Hia ol sumatin bilong LLEAD kos i sindaun long fran bilong klasrum bilong ol long Ukarumpa Goroka. Poto: SIL

## Digicel ken givim len lain na intanet sevis nau

MOBAIL fon kampani, Digicel PNG, nau i ken salim ol len lain na intanet sevis long PNG.

Las wik Fonde i makim namba 4 kris-mas long kampani i wok bisnis long PNG, na ol i makim de wantaim toksave olsem Nesenel Infomesen na K o m y u n i k e s e n Teknoloji Atoriti (NICTA) i orait long givim laisens long ol long salim ol dispela ol sevis.

Nau Digicel i ken salim ol fiks lenlain

vois na intanet komyunikesen na ol arapela ICT sevis.

Moa long en, NICTA i tokaut tu olsem Digicel inapim pinis olgeta rolaut laisens wokmak ol i bin makim long 2007.

Sif Ekseketiv Opisa bilong NICTA, Charles Punaha i mekim ol dispela toksave las wik Fonde long Mosbi.

Long ol arapela bikipela toksave, Digicel i opisali tokaut olsem ol i tekova long intanet sevis provaida

(ISP) kampani DataNets.

Sif Ekseketiv Opisa bilong Digicel, John Mangos i tok, "Nau mipela i makim foapela gutpela yia long PNG, ol dispela toksave i kam long NICTA i makim bikipela wok i go het long Digicel long PNG. Nau mipela i ken muv i go het long opim ol komyunikesen sevis i go long fiks lain na ol arapela ICT sevis, long givim ol PNG pipel gutpela veliu teknoloji sevis."

## Ol woklain bilong Vanimo Haus sik kisim luksave

NESENEL Helt Dipatmen i wok long toktok wantaim ol Sandaun Provinsel helt na haus sik atoriti long was gut long "chikugunya" fiva, Helt Sekreteri, Pascoe Kase, i tok.

Chikungan fiva em i wanpela vairel sik i kamap nupela long PNG, we pipel i kisim taim Aedes mosquito natnat i kaikaim ol. Dispela mosquito i save kamapim "dengi fiva. Ol i save kaikaim man long moning na long taim em i laik go nait.

Dispela em i nupela kain sik we ol woklain long Vanimo Haus sik long Sandaun i bin lukim na reko-tim 633 bikipela manmeri i kisim pinis.

Mista Kase i luksave long gutpela was we ol wok manmeri bilong klinik i soim long luksave long

Chikungunya fiva ol mosquito i kaikai man i kamapim.

Em i tok hariap stret we ol klinikel woklain i bin luksave long dispela sik, kolektim ol blut sempo na larim Institut bilong Medikal Risets i tok yes, dispela em i nupela sik long PNG em i bikipela samting.

Em i tok Vanimo em i boda provins na long ol helt wok manmeri long dispela nupela haus sik long putim gutpela was na luksave na painim nupela sik, menesim na skulim ol komyuniti long stopim rot long dispela sik i kisim moa pipel i bin mekim na nogat lain i bin dai.

Stat yet long dispela yia mun Jun, chikungunya fiva i bin daunim 633 pipel long taun eria na ol komyuniti i raunim taun tasol.

Mista Kasei luksave long

Dairekta bilong Medikel Sevis long Vanimo Haus sik, Dokta Stella Jimmy na tim bilong em long givim ekstra taim na risos bilong ol long go aut i go olgeta long boda eria na karimaut ol wok painim long painim dispela sik.

Em bin autim tok amamas i go long Sif Eksekyutiv OPisa bilong haus sik, Dokta Elias Kapavore long gutpela tim na woklain.

Long wankain taim, Mista Kasei tok Nesenel Helt Dipatmen i wok wantaim ol atoriti long provinsel helt na haus sik long putim was long dispela sik.

Em i tok ol i wetim ol helt lain long Sandaun provins long givim moa ripot na ol i ken givim aut ol stetistik o namba long ol manmeri we dispela nupela sik i kisim ol.

# Len Stewa – Pasin Boiman bilong Kulilau

Godfried Yassafar i raitim

**OL LAIN Saki i save tok olsem ‘Kerema, yu no save...yu yet kam na lukim’.**

Ol Sepik i save tok olsem ‘man maski pasin tasol’.

Yu save ol Sepik em ol lain bi-long kamapim ol kain stail hap tok.

Kain olsem: yuboi, yuboiman, boistret, emboiman na planti arapela moa.

Pasin bilong mipela wanwan i save stap olsem mira (glas) na skel.

Taim mipela i gat gutpela pasin, ol lain long hauslain bai tok, man ya em boiman stret bikos pasin kilim em o meri ya em gel stret bikos em i bilasim em yet long gutpela pasin.

Gutpela pasin bai promotim mipela na pasin nogut i save bagarapim nem bilong mipela.

Mi laik stori long pasin bilong lukautim man.

Mi min long taim yu go long nara-pela hap o ples, na yu bungim hevi na man o meri i lukautim yu long ol samting olsem kaikai na wara, buai na daka, na tu, ol arapela samting.

Yu no wantok, wanlain o wan-pisin bilong dispela man o meri. Yu bilong arapela ples, tasol dispela man o meri luksave olsem yu lusim ples, na yu go long ples o eria bi-long em na bungim hevi.

Em i kisim yu na lukautim yu olsem wanpela wanlain na wan-pisin bilong em.

Long wanwan ples insait long kantri bilong mipela Papua Niugini, we i gat moa long 8 handret tok ples, na ol kain pasin kastom, wanpela man o meri i save stap.

Dispela man o meri gat pasin bi-long lukautim ol lain we i no wanlain na wanpinis bilong em.

Long ples Kulilau insait long



Raikos eria bilong Madang provins, i gat wanpela kain man olsem i stap.

Dispela man, nem bilong em, Len Stewa.

Mama i no karim Len long ples Siar, ausait tasol long Madang taun, na em i groap long ples Siar.

Bubu man bilong Len, i bilong Kulilau. Tasol em i go maritim meri Siar, na i stap long Siar, na kamapim papa bilong Len.

Taim Len wantaim ol brata bilong em i groap na kamap bikipela, papa bilong ol i stori long ol olsem ples bilong ol em Kulilau, na i no long Siar.

Olsem na tupela bikipela brata bi-long Len i go bek long asples bi-long bubuman bilong ol long Kulilau na wokim haus na stap.

Orait Len, bikos em i liklik brata, em i go na stap wantaim tupela bikipela brata bilong em.

Orait, hia, em stori bilong rot mi save long bataman Len na pasin bilong em olsem wanpela trupela boiman bilong lukautim ol lain we i no wanlain na wanpinis bilong em bilong Siar o Kulilau.

Long Fraide, Septemba 28, 2012, mi kalap long bot bilong susa bilong mi wantaim man bilong em long Madang taun i go long ples Mur long Raikos.

Bot bilong susa bilong mi wantaim man bilong em i bin mekim pasindia ron long Mur na mi kalap na go na lukim ples.

Taim yu laik i go long Mur, yu bai abrusim Kulilau, Basamuk, Biliau, na Saido stesin.

Ples Mur i stap long Raikos namba tri (3) na Kulilau i stap long Raikos namba tu (2).

Taim mipela i lusim Madang taun i go ausait long Kalibobo, win i stat long singsing, na solwara i stat long toktok na kros.

Tasol skipa bilong bot, mangi sol bilong Baluan ailan long Manus provins, Ruben Kondai, em boiman.

Em i tokim ol pasindia long noken pret na tingting planti.

Mangi Baluan ya em boiman stret.

Em katim solwara gut tru, na mipela i go kamap long Basamuk na win i dai na solwara i orait na

mipela ron i go kamap long ples Bilau, na kisim fiul (petrol) na go het i go inap mipela i kamap long Saido na lusim ol pasindia.

Orait, wanples ya, (Ruben), boskru bilong bot, na mi, mipela ron i go long Mur long slip.

Plen i bin olsem long Sarere Septemba 29, 2012 mipela bai kisim ol pasindia ron i kam bek long Madang taun. Tasol i nogat pasindia na mipela i no ron kam bek. Mipela i stap bek long Mur inap Mande moning (Oktoba 1, 2012).

Long Mande moning, mipela i kisim tripela pasindia tasol. Na mani ol tripela pasindia i baim bot fi, i no inap long baim petrol bilong bot long kam olgeta long Madang taun. Mipela i ron i kam, na petrol i pinis long rot na mipela i go insait long ples Kulilau long Raikos namba 2.

Mipela i go kamap long nambis bilong Kulilau pasim bot na stap long nambis. Mipela i kamap long ples Kulilau long sampela minit i go antap long bungim 12 kilok.

Mipela i stap na sampela liklik mangi lukim mipela na i go tokim ol lain i stap arere long nambis olsem wanpela bot i laik go long taun, na petrol i pinis, na i kam sua long nambis.

Long samting olsem 3 kilok long apinun, wanpela yangpela man i kam daun long nambis na bungim mipela.

Nem bilong dispela man em Len Stewa. Em i askim mipela na mipela i stori long em long hevi mipela i bungim na em i sori long mipela.

Em i tokim mipela long noken wari o tingting tumas bikos em ples na mipela bai orait.

Long Mande apinun, Len wantaim ol bois bilong em i givim

mipela sampela banana na mipela i kukim na kaikai. Na long nait, mipela i mekim paia na slip long nambis i go tulait.

Len wantaim sampela bois bi-long em i slip long nambis wantaim mipela.

Long Tunde moning, skipa bilong bot wantaim tripela pasindia i kalap long bot bilong Kulilau na kam long taun. Skipa bilong bot i kam long taun long kisim petrol.

Mi wantaim boskru bilong bot, mipela i stap was long bot.

Long apinun, skipa bilong bot i no go bek wantaim petrol.

Long Trinde apinun, skipa bilong bot i go bek wantaim petrol na mipela i tok gutbai long Len wantaim ol bois bilong em na mipela i ron i kam long Madang taun.

Taim mi wantaim boskru bilong bot i stap long Kulilau, Len wantaim ol bois bilong em i lukautim mipela gut tru.

Long Tunde, ol i givim kaikai long mitupela.

Ol i givim mipela buai, daka, smok, na pepa. Taim we ol i sapos long spenim long mekim wok bi-long ol, ol i spenim wantaim mitupela. Long Tunde nait, ol i kam gen na mekim paia na slip long nambis wantaim mitupela i go inap tulait.

Len wantaim ol bois bilong em i lukim mi wantaim boskru bilong bot olsem tupela spesol ges bilong ol.

Olsem na ol i mekim ol kain gutpela pasin na samting long mekim stap bilong mitupela long Kulilau i orait tasol na pulap long amamas.

Makim skipa na boskru bilong bot mipela i givim bikipela tenkyu bilong mipela i go long Len Stewa.

Em boiman. Em boistret. Em wanpela trupela bataman na pikinini Kulilau.

Olsem ol lain long PS kantri save tok ya: “Man maski, pasin tasol.”

## O’Neill promis long stopim pipel i kisim nating graun bilong narapela

PRAIM Minista Peter O’Neill i tok em bai mekim olgeta samting long ban-isim ol pipel long ol giaman lain.

Em i mekim dispela tok-tok long bekim bikipela hevi i go long we ol i kirapim ol Spesol Agrikalsa na Bisnis Lis (SABL).

“Mipela i mekim sampela bikipela asua long ol yia i go pinis,” Em i tok.

“Wanpela long ol em dispela Spesol Agrikalsa na Bisnis Lis we gavman i wok long givim aut long ol yia i go pinis.”


Las wiken, i bin gat ripot long Australia midia long wanpela loging kampani bilong Australia i stap insait long wanpela bisnis long katim diwai long moa long 2 milian hekta bilong

graun long ol lenona insait long Westen provins.

Ol papagraun i tok ol i bin givim ol tok orait aninit long agrimen long kamapim wanpela rot, i no long katim diwai long moa long 2 milian hekta bilong graun.

Wanpela wok painimaut nau i kirap pinis long dispela SABL, na Mista O’Neill i tok em bai skelim gut dispela wok painim ripot taim ol i pinisim gut.

“Mipela bai mekim moa senis long traim na silipim gut pilai fil we ol developmen i kamap long ol liklik ples na moa yet, long tum-buna graun, i mas gat olgeta luksave na tok orait bilong ol papagraun,” Mista O’Neill i tok.



SAMASOL: Tupela pikinini long Tatana ples i mekim liklik stail bilong ol long nambis na pulim ai bilong planti manmeri. *Poto Nicky Bernard*



**Yut, Meri na Famili  
wantaim  
Lorraine  
Siraba**

## Monitaim ol piksa nogut long Fesbuk

OL PNG atoriti i mas hariap long glasim na mekim samting long pasin bilong tilim, kisim na lukim ol piksa nogut na ol narapela nogut samting long sosel netwok, Fesbuk.

Ol yangpela pipel long PNG i wok long kisim nating na tilim i go long wanpela narapela ol piksa nogut, ol piksa long ol as nating manmeri na ol kain olsem aninit long nus bilong ol loman.

Samting bilong wari long dispela em, ol lain i yusim Fesbuk i serim ol piksa na em i fri long salim i go aut long moa poroman wantaim nogat wari samting olsem samting ol i wokim i stretpela o nogat. Ol i hariap long salim taim ol poroman i klikim "like button".

Taim ol narapela kantri long wol i wok long strongim intanet sekyuriti bilong ol, PNG i no mekim wanpela samting yet long sait bilong (cyber) saiba bilding na ol narapela eria bilong yusim intanet long en. Bikos pipel i kisim intanet long ol mobail fon, i gat bikipela sans long ol yangpela pipel i yusim nogut intanet.

Stat yet long taim intanet na ol sosel netwok na ol mobail fon (olsem ol liklik kompyuta) i kam insait long dispela kantri, yumi wok long lukim bikipela senis long rot we "modern technology" o ol nupela masin bilong salim toktok i go na i kam long wanpela narapela i wok. Ol redio na TV i isi long kontrolim na i gat rot we ol atoriti i ken glasim na putim tambu long sampela ol progrem na ol piksa ol i lukim i no gutpela long ol pikinini.

Nau yumi stap long kain taim we ol lain i save kamapim midia onlain i kamapim moa ol samting. i mas gat edukesen awenes long kamap ol gutpela dijital manmeri long helpim ol pikinini i stap seif onlain.

Dijital midia i kamap pinis na bai stap long senisim ol laip, pasin na komyunikesen na em i bikipela samting ol papamama i eduketim ol yet long rot we ol pikinini bilong ol i wok long yusim intanet na monitaim ol pes we ol i wok long lukim long en.

Ol telekomyunikesen kampani, ol ejensi i lukautim loa n a ol stekholda i mas bung na toktok long mekim samting i kamap. Gavman na indastri i mas mekim samting long lukaitim ol pikinini na ol yangpela pipel long ol nogut samting.

Long dispela taim, ol famili i no save long kisim helpim long wanem hap sapos ol i laik putim tambu o banis long ol pesenel kompyuta, ol mobail fon o ol gem ol i save kisim long intanet long en. Yumi noken wet inap hevi i kamap na traim long stretim.

Yumi mas mekim samting nau. Taim yumi no mekim samting long stretim samting i no stret, yumi no helpim, tasol yumi wok long kontribut long samting i no stret long nupela jeneresen bilong yumi.

## Raun Lukim ol Meri Pikinini...



*Poto 1: HARIM STAP: Ol meri na pikinini i bilong ples Tatana ausait long Mosbi i harim toktok bilong Helt na HIV na AIDS Minista na memba bilong Mosbi Notwes, Michael Malabag, taim em i toktok long las Fraide taim em i go givim K100,000 i go long Tatana Yunaitet Sios long kari-maut ol wok na progrem bilong em. Poto: Nicky Bernard*

*Poto 2: TENKYU BETEN: Taim bilong tok tenkyu long Papa God na beten, olsem ol dispela mama bilong ples Tatana ausait long Mosbi siti i mekim long tok tenkyu long planti blesing Papa God i givim long ol. Poto: Nicky*

# Sapotim ol rurel meri

**SINGAUT i go long ol patna bilong Yunaitet Nesen (UN) long sapotim ol rurel meri, harim ol toktok na tingting bilong ol na lukim olsem ol polisi o loa ol i mekim bai helpim ol meri.**

Sekreteri Jenerel bilong UN, Ban Ki-moon, i wokim dispela singaut long dispela wik Tunde, Oktoba 15, em de we UN i makim olsem Intenesenel De bilong ol Rurel Meri long wol i bin kamap long dispela wik Tunde, Oktoba 15, 2012.

"Wol nau i wok long luk-save long bikipela wok ol meri i save mekim long bildim pis o wanbel pasin, jastis o olgeta manmeri i gat rait na sanap long wankain level na demokrasi o gavman bilong pipel we pipel yet i makim na i stap wantaim pipel. Taim yumi kam klostu long 2015 detlain we UN i makim olsem taim bilong ol kantri long inapim ol Milenium Developmen Gols, em i taim long putim moa invesmen long ol rurel meri, lukautim ol rait bilong ol na sapotim ol long kamapim gut level bilong ol.

"Long dispela Intenesenel De bilong ol rurel meri, yumi sapotim ol rurel meri, harim ol toktok na tingting bilong ol na lukim olsem ol polisi o loa ol i mekim bai helpim ol meri. Yumi wokim olgeta samting yumi nap long helpim ol i mekim ol samting bikos dispela bai kamapim gutpela samting long yumi olgeta," Jenerel Sekretari Ban Ki-moon, i tok.

Em i tok ol kaikai we pipel long wol i kaikaim em ol rurel meri i save kamapim, lukautim en-vaironmen, helpim daunim ol birua i kamap insait long ol komyuniti em ol rurel meri i save mekim.

Tasol em i tok ol meri i save bungim yet ol hevi na pasin we ol man i lukim ol olsem ol i stap daunbilo long ol i stopim ol long

soim olsem ol i ekn mekim ol wankain wok olsem ol man.

Jenerel Sekreteri Ban Ki-moon i tok planti ol rurel meri i no papa long graun ol i wokim gaden long en, ol i nogat mani o fainensel sapot long helpim ol i lusim turan gu pasin, stap wantaim nogat garanti bilong gutpela kaikai, helt sevis, klinpela wara na toilet.

"Sapotim gut ol rurel meri em i bikipela samting long dainim turangu pasin na hangere. Taim yumi no sapotim ol meri, ol rait na sans bilong ol, yumi tok nogat long gutpela bihain taim bilong ol pikinini na sosaiti. Olsem na UN i bin lon-sim wanpela progrem long sapotim gut ol rurel meri na fud sekyuriti o lukim olsem i gat kaikai olgeta taim. Dispela

kombain progrem bilong tripela agrikalsa na kaikai ogenaiesen i beis long Rom na UN Wimen bai wok wantaim ol rurel meri long rausim banis i save pasim ol na strongim wok bilong ol long kamapim ol kaikai, ol lida na ol bisnis meri.

"Taim sekyuriti bilong kaikai i kamap gut, ol rurel meri bai gat moa sans long painim gutpela wok na ol i ken lukautim

gut helt bilong ol pikinini bilong ol na tu, salim ol pikinini bilong ol i go long skul. Taim ol meri i gat graun, kredit na ol risos, ol rurel meri i ken kamapim moa samting na salim.

Olsem ikwal memba bilong sosaiti, ol rurel meri i ken mekim ol gutpela disisen long strongim developmen," Sekreteri Ban Ki-moon, i tok.



### PNG SUSTAINABLE DEVELOPMENT PROGRAM LIMITED

#### Yunaitet Sios Westen Rijen Tisa Trening Program

Long bekim sot long ol praimeri skul tisa insait long ol Yunaitet Sios Westen Provins skul, Yunaitet Sios Westen Rijen i askim PNGSDP long givim halivim mani long kirapim wanpela skolasip progrem bilong ol sumatin Sios yet i makim bilong skul na kisim ol diploma long wok tisa. Ol sumatin bai kisim kontrak bilong wok sevis, bihain long graduesen, insait long wanpela long 14-pela Yunaitet Sios praimeri skul inap long faivpela yia na moa (em long ol aspies viles bilong ol stret).

Sios i askim olsem dispela trening bai kam aninit long Westen Provins Sios Edukesen Ejensi Progrem.

PNGSDP i kisim toksave long Yunaitet Sios Westen Rijen, olsem ol i makim pinis 20 manmeri bilong skul long Gaulim Tisa Kolis long 2013 i go 2014. Sileksen wok i kamap long laik bilong Yunaitet Sios yet, bihainim ol seket bilong em we 14-pela skul i stap long en.

Sios i toksave olsem ol i mekim ol sileksen bilong ol sumatin bihainim tok orait na wanbel i kam long ol komyuniti, wantaim gutpela luk-save long ol savemak bilong olgeta ol dispela kendidet.

Skul fi bilong ol sumatin bai kam long PNGSDP, na tu, wanpela hap bilong ol baius tiket bilong ol. Ol kontribusen long K500 na go antap olgeta yia, i mas kam long ol sumatin o ol famili bilong ol.

Bihainim stia tok bilong Sios, PNGSDP i amamas long tokaut olsem ol dispela 20 apliken bai kisim sapot na halivim aninit long dispela progrem:

- |                        |                          |
|------------------------|--------------------------|
| 1. Cynthia Sasua (F)   | 11. Hillary Tabua (F)    |
| 2. Segana Wainetti (F) | 12. Suez Dewi (M)        |
| 3. Higowadi Kesa (F)   | 13. Akuru Aigi (M)       |
| 4. Nanctia Derek (F)   | 14. Mago Muka (F)        |
| 5. Bolu Gama (M)       | 15. Namai Namai (M)      |
| 6. Theresa Badia (F)   | 16. Nancy Aragu (F)      |
| 7. Jeremiah Sagere (M) | 17. Manson Koikaku (M)   |
| 8. Bani Weni (M)       | 18. Jordan Gebze (M)     |
| 9. Mathew Narame (M)   | 19. Anthony Baduwame (M) |
| 10. Rawali Ogepawe (M) | 20. Nathan Roy (M)       |

Bikos olgeta wok sileksen i kam long Yunaitet Sios Westen Rijen, olgeta askim i mas go long Rev Bisop Lawes Waia, o Yunaitet Sios Rijen Edukesen Sekreteri Glen Tabua.

PNGSDP i givim tok luksave na hamamas long olgeta sumatin ol i kisim skolasip.





# Opis bilong Klaimet Senis na Developmen long Rijenal Klaimet Senis Konsalten

*Klaimet Senis lejislesen na polisi fremwok bai stiaim ol wok bekim long hevi bilong klaimet senis*

**O**lsem wanpela minista bilong O'Neill na Dion Gavman, ol namba wan bikpela wok bilong mi em Klaimet Senis lejislesen, na wanpela polisi fremwok bilong stiaim ol wok bekim long ol hevi bilong klaimet senis.

Dispela i karamapim wok karimaut bilong REDD+ insait long kantri, na long sekim ol sans i stap long mekim moa wok.

O'Neill na Dion Gavman i luksave long dispela, olsem na bihain long tupela yia ol i bungim olgeta infomesen, gavman, aninit long Opis bilong Klaimet Senis na Developmen (OCCD), nau i kamapim wanpela Klaimet Senis na Developmen Polisi (CCDP).

Minista bilong Forestri na Klaimet Senis, Patrick Pruaitch, i tok olsem long kirap bilong dispela mun taim em i raun i go long Opis bilong Klaimet Senis na Development (OCCD). Long dispela raun bilong em, em i lukluk raun long opis, na bihain em i bungim ol wokmanmeri, pastaim long em i sindaun long wanpela brifing wantaim Menesmen.

Honorabel Pruaitch, MP, i tok olsem maski OCCD i no bin gat politikal lidasip bipo, em i tokim ol wokmanmeri olsem nau em bai soim lidasip long karim ogenaísesen i go long nupela level.

"Wok i stap wantaim mipela nau long karim dispela ogenaísesen i go long narapela level gen. Mipela i mas wok ha long sanapim gut polisi, na lejisletiv arensmen bai sanap strong long kirap bilong neks yia. Dispela bai sindaunim mipela gut long bekim olgeta samting i kamap long graun," Honorabel Pruaitch, MP, i tok.

Em i tok bai gat luksave long halivim i kam long ol developmen patna, tasol yumi mas go pas long ol progrem, na polisi yet bai strongim.

"Olgeta samting yumi mekim long dispela ogenaísesen bai givim siknel long wol olsem Papua Niugini i

luksave long Klaimet Senis. Olsem wanpela kros-katim isiu, mipela i mas wok wantaim ol wanwan ol indastri olsem; PNG Fores Atoriti (PNGFA), Maining, Petroleum, Oil na Ges, na Fiseris long inapim olgeta developmen laik bilong ol pipel bilong yumi," Honorabel Pruaitch i tok.

Long wankain taim: OCCD Ekting Eksekutiv Dairekta Varigini Badira, i givim brifing long Honorabel Pruaitch, na tim bilong em, i tok olsem draf polisi nau i redi pinis long go insait long wok konsaltesen bihain long kain kain ol stekholda long Pot Mosbi, olsem ol bikpela Gavman ejensi, ol developmen patna olsem AusAID, JICA, ol NGO, na ol mausmanmeri bilong praivet sekta na sivil sosaiti i glasim.

"Nau mipela i toktok i stap, ol i wok long stretim dispela polisi wantaim Klaimet Senis Atoriti Bil long sanapim wanpela opis bilong karimaut polisi, em bai PNG Klaimet Senis Atoriti," Mista Badira i tok.

Mista Badira i tok ol dispela stekholda em ol i askim ol gut long givim tingting bilong ol long draf pepa. Moa tingting bai ol i skelim insait long foapela rijenal woksop we bai kamap long mun Oktoba, 2012.

Ol dispela woksop bai kamap long ol biktaun olsem Pot Mosbi bilong



Sauten Rijen, Madang bilong Noten o Momase, Goroka bilong Hailans, na Kokopo bilong Niugini Ailans rijen.

Wantaim olgeta birua Klaimet Senis i ken kamapim, olsem moa ren i pundaun insait long namba 21 sensari, we Pasifik Klaimet Senis Saines Progrem (PCCSP) i tok, em i driman bilong Honorabel Pruaitch na

O'Neill na Dion gavman long bungim ol dispela hevi, na tu, painim wanem ol rot i stap bilong ol gutpela klaimet senis i ken bringim.

Raitim bilong CCDP em i plen bilong gavman long bihainim, long inapim driman bilong em long bildim wanpela kabon nutrel rot we i gat banis long klaimet senis, na i ken strongim ekonomik developmen bi-

long Papua Niugini.

Wok bilong gavman i sanap long bilip bilong em long strongim ol nesenel gols na dairektiv prinsipal o astingting na ol intansenel wok bilong em long kamapim wanpela ekonomi i strongim sindaun bilong busgraun na i mobeta bilong olgeta manmeri.

Long inapim dispela, Gavman i laik suvim kantri

i go long daunim kabon groa bilong em pastaim long 2030 na bai em i orait long klaimet pastaim long 2050.

Promosen bilong sas-tenabol ekonomik groa bihainim karimaut bilong ol plen bilong Gavman long daunim na bihainim gut ol Gols na Dairektiv Prinsipal bilong en em sampela long ol bikpela wok.

Moa luksave bai go long promosen na bihainim bilong ol gutpela rot bilong daunim ol grinhaus ges i go aut. Dispela em long sait bilong ol daunim long wok Agrikalsa, yusim bilong graun, senis long pasin bilong yusim graun, na forestry (LULUCF) sekta, na stap namel mak taim yumi givim moa mani long ol lo-kabon infra-straksa.

Gavman i laikim bai ol pipel i bildim save na banis bilong ol long ol birua na hevi bilong klaimet senis, aninit long karimaut ol gutpela wok bilong agensim bikpela taim nogut, na arapela hevi bilong klaimet senis.

Gavman i laik strongim gutpela rot bilong mekim disisen na gutpela wok lukautim taim em i luksave olsem olgeta stekholda i gat wok bilong mekim bilong stretim ol birua na hevi bilong klaimet senis na moa yet, bringim klaimet senis i go insait long ol polisi bilong ol long kantri.

Klaimet Senis em i namba wan bikpela salens long wol, na Gavman i gat bilip long soim gutpela piksa insait long rijen, bilong karimaut ol bikpela wok reti insait long faivpela yia i kam, we bai sanapim strong Papua Niugini long longpela rot i go long inapim Visen 2050.



# Ol Papua Niugini manmeri i mas save gut long birua bilong klaimet senis na globol woming



MINISTA bilong Fores na Klaimet Senis, Honorabel Patrick Pruaitch, MP, i tok ol Papua Niugini manmeri i mas lainim long luk-save long strong bilong klaimet senis, na globol woming na ol birua bilong ol. Dispela bai halivim ol long senis bihainim ol nupela sindaun we klaimet senis i ken kamapim.

Minista Pruaitch i tokaut long dispela pastaim long ol wok redi long lonsim wanpela lain wok konsaltesen long Klaimet Senis Polisi, em Opis bilong Klaimet Senis na Dvelopmen (OCCD) i go pas long kamapim long kantri neks wik.

Em i tok moa luksave long senis bihainim klaimet senis na ol rot bilong daunim ol hevi bilong en i mas go aut gut long ol pipel bilong yumi i stap long ol taun na ples wantaim. Moa luksave i mas go long ol ples we klaimet senis i ken givim bikipela birua long en.

Em i tok ol pipel i mas save long birua em i ken givim

“Ol saintis long wol i tokim mipela olsem mak bilong tempresa o hat bilong ples graun i groa inap long 0.4 digris i go inap long 0.8 digris Celsius insait long las 100 yia. Dispela groa mak, maski em i liklik, i kamapim bikipela senis long busgraun, na em bai go yet sapos i nogat wok i kamap long daunim mak bilong ol grin-haus ges (GHG) i go aut, na hevi em i givim olsem klaimet senis na globol woming,” Honorabel Pruaitch i tok.

Papua Niugini, olsem planti ol arapela developing kantri, i stap long mak bilong muv i go het long pasin indastrialaisesen, strongpela ebenaísesen long ol bikipela taun bilong mipela, na ol bikipela infrastraksa konstraksen na moa wok ekonomik i wok kamap insait long foapela rijen bilong yumi.

Mak bilong ol emisen o ges i go aut tude, em bai go antap, na i go agensim ol wokmak bilong intanesenel komyuniti long daunim klaimet senis. Olgeta Papua Niugini i ken luksave long dispela sindaun na i gat strongpela laik bilong mekim mobeta na bihainim sampela ol gutpela rot bilong stretim dispela sindaun.

I gat bikipela luksave i kam long intanesenel komyuniti, na dispela em i karamapim tu bilip bilong PNG long stretim ol klaimet senis hevi, na daunim mak bilong ol emisen o pipia win mipela i tromoi i go aut inap long 100 pesen pastaim long 2050 o kamap kabon nutrel. Bilip bilong Nesenel Gavman na laik bilong ol politisen bilong inapim dispela bai kamap gut sapos PNG, aninit long Opis bilong Klaimet Senis na Dvelopmen (OCCD) inap long makim gut ol bikipela progrem eria na wok-bung wantaim olgeta stekholda long inapim ol dispela taget.

Klaimet Senis Polisi i stap insait long wok konsaltesen long kantri

Klaimet Senis Polisis (CCP) fremwok, em nau i wok long kisim bikipela wok glasim na konsaltesen bilong kisim moa tingting i kam long ol stekholda, ol gavman ejensi, na ol lain manmeri bilong pablik.

Dispela polisi em i wanpela bikipela wok bilong dispela Gavman, bikos em bai stiaim bekim bilong Klaimet Senis, we i karamapim wok karimaut bilong REDD+ insait long kantri, na long painim ol arapela rot i stap.

Polisi i luksave long dispela bikipela isiu, we em i birua, na em i gutpela sans tu bilong Papua Niugini.

Ol grin-haus ges emisin bilong mipela i stapantap moa, long level bilong dvelopmen bilong mipela, bikos long yusim graun, senisim pasin bilong yusim graun, na forestri. Solap bilong solwara, taitwara, graun bruk, na malaria em ol bikipela birua long ol pipel, olsem na em i nidim halivim bilong Nesenel Gavman bilong traim stretim ol dispela hevi.

Bihainim ol dispela hevi klaimet senis i bringim, Nesenel Gavman, aninit long Opis bilong Klaimet Senis na Dvelopmen (OCCD) i kamapim wanpela bikipela plen bilong sapotim wok bilong em long bildim wanpela grin ekonomi bilong Papua Niugini. Klaimet-Kompatibel Dvelopmen Strateji (CCDS) i givim sans bilong Papua Niugini bilong inapim

dispela na muv i go long bikipela lo-kabon groa rot na tu long daunim ol grin-haus ges emisin na tu, long halivim long daunim ol hevi bilong klaimet senis.

Tasol lonsim bilong Klaimet Senis Polisi konsaltesen, we Minista bilong Forestri na Klaimet Senis, Honorabel Patrick Pruaitch MP na Opis bilong Klaimet Senis na Dvelopmen (OCCD) i soim dispela bilip bilong Nesenel Gavman i mas stretim hevi bilong klaimet senis olsem bikipela dvelopmen isiu we i ken givim bikipela moa birua long ol pipel na ekonomi.

Honorabel Patrick Pruaitch MP i tok olsem klaimet senis em i wanpela kros-katim isiu we i nidim moa wok awenes na konsaltesen long en.


“Ol polisi long klaimet senis menesmen bai givim wanpela rot mep bilong ol strateji. OCCD, olsem wanpela lid ejensi na kodineting opis, i mas go pas na bosim dispela wok bilong dispela klaimet senis menesmen polisi”.

Honorabel Pruaitch i tok moa olsem “klaimet senis lejislesen na polisi fremwok em ol bikipela wok bilong en, na gavman i luksave long dispela, olsem na Gavman, aninit long wok bilong OCCD, bihain long tupela yia we ol i bungim olgeta stori na namba, na nau ol i wok long kamapim wanpela Klaimet Senis Polisi (CCP).

Long sapotim Minista, OCCD Ekting Eksekutiv Dairekta, Varigini Badira i tok, “dispela draf Klaimet Senis Polisi nau i redi long go insait long wok konsaltesen bihain long em i kisim wok glasim long planti ol Pot Mosbi stekholda, na bikipela ol Gavman ejensi, ol dvelopmen patna olsem AusAID, JICA, ol NGO, ol mausman long praivet sekta, na sivil sosaiti”.

Rijenal CCP woksop bai givim sans long OCCD long gat wanpela bikipela moa wok konsaltesen long draf Klaimet Senis na Polisi we bai kamap blu-prin bilong gavman long inapim ol driman bilong en long bildim wanpela rot bilong strongim ekonomik dvelopmen bilong kantri, we i gat banis long ol birua bilong klaimet, na no apim mak bilong kabon kantri i tromoi i go aut. Olsem na long inapim dispela mak, Gavman i laik strongim wok bilong kantri i go long wanpela lo-kabon groa rot pastaim long 2030 na long em i stap aninit long klaimet senis hevi pastaim long 2050.

Eksibit 1: Klaimet Kompatibel Dvelopmen Strateji (CCDS) Promotim Klaimet Kompatibel Dvelopmen Strateji insait long Klaimet Senis Polisi



Wok bilong gavman long inapim klaimet-kompatibel dvelopmen bilong PNG i lukim dvelopmen bilong Klaimet Senis Polisi (CCP). CCP i soim klia bikipela gavman luksave long kamapim wanpela polisi we i soim luksave na tingting i kam long olgeta gavman stekholda, ol sivil na sosaiti ogenaísesen, husat i kontribut long kamapim wanpela polisi we bai sapotim wok bilong kantri long stretim hevi bilong klaimet senis na long bildim wanpela rot i gat banis agensim klaimet senis bihainim sastenabol sosio-ekonomik dvelopmen.

CCP em i polisi fremwok bilong karimaut wok bilong klaimet-kompatibel dvelopmen strateji. Em bai givim as bilong klaimet-kompatibel wok dvelopmen long PNG. Long promotim CCDS, CCP i save bungim wantaim mitigesen o daunim hevi, na adaptesen o wok bihainim wantaim ekonomik dvelopmen. CCP i strongim ol nesenel wok bilong karimaut klaimet senis wok bihainim na ol rot bilong daunim hevi, na long wankain taim, givim sans long ekonomik dvelopmen long kamap insait long kantri.

Klaimet – Kompatibel Dvelopmen Strateji (CCDS)

PNG i pilim pinis sampela ol bikipela hevi bilong klaimet senis long ekonomik groa bilong em. Ol hevi i kam wantaim Saiklon Guba long Oro Provins, strongpela win na ren, solap bilong solwara mak long Cartarets Ailan long Otonomas Rijen bilong Bogenvil, moa malaria na ol arapela sik insait long ol Hailans provins, taitwara long bikipela, ol graunbruk, na sot bilong ol netseral risos em sampela long ol dvelopmen hevi ol lokol komyuniti long yumi long Papua Niugini i wok bungim. Klaimet senis

em i wanpela kros-katim isiu we i nogat arere bilong en, na bai go het yet long slekim olgeta sosio-ekonomik sekta bilong dvelopmen insait long kantri, sapos ol Papua Niugini manmeri i no senisim pasin bilong ol long pait agensim klaimet senis.

Wok PNG i mekim long bungim Klaimet Senis na Globol Woming Wok PNG i mekim long stretim ol hevi bilong klaimet senis na daunim groa long mak bilong ol grin-haus ges i go aut, i bihainim dispela ol bikipela wok bilong gavman aninit long klaimet-kompatibel dvelopmen strateji.

Ol dispela bikipela wok em Yusim Graun, Senisim pasin bilong Yusim Graun, na Forestri (LULUCF) na Lo Kabon Groa. Moa long 95% bilong ol Papua Niugini emisin i kam long LULUCF (long wok logging, wok agrikalsa, ol agrikalsa lis, komesal agrikalsa na birua bilong ol bikbus i paia). Narapela 5% bilong ol emisin i kam long maining, trenspot, wok bilong mekim enei o pawa, na oil an ges. Daunim ol Emisin i kam long Diforestesen o katim diwai na rausim ol bikipela lain diwai, Sastenabol Fores Menesmen na strongim bilong Fores Kabon Stok o REDD+ em i bikipela ol eria bilong gavman long lukluk long en long insait long kantri, na tu long ausait long kantri.

Taim ol intanesenel toktok i wok go het yet long wanpela fremwok bilong REDD+ mekanisim aninit long wanpela regulesen maket, gavman i go het pinis long makim sampela ol REDD+ pailot projek eria bilong traim dispela REDD+ wok.

Ol sans aninit long Klin Dvelopmen Mekanisim i stap

Ol sans bilong Gavman long yusim na kisim gutpela bilong en aninit long Klin Dvelopmen Mekanisim (CDM) bilong Kyoto Protocol i stap bilong promotim sastenabol sosio-ekonomik dvelopmen.

OCCD, olsem Desiknetet Nesenel Atoriti (DNA), i karimaut na givim tok orait long sampela ol CDM wok insait long kantri. Ol dispela em – New Britain Palm Oil Limited (NBPOL) faipela meten kepsa na baioges enei jeneresen projek insait long Wes Nu Briten, na tupela meten abrusim projek long Milen Be na Oro provins; Oil Search Limited Fle na Vent Ges Konsavesen Projek insait long Sauten Hailans Provins; PNG Power Limited Divune Haidropawa Projek insait long Oro Provins, na Hargy Oil Palm Limited Baioges Rikaveri long Wastewater Tritmen insait long Barema Oil Mil bilong em long Wes Nu Briten provins.


Taim ol dispela projek i go het, ol bai givim bikipela halivim long mak bilong daunim ol emisin i go aut long dispela ol sekta, na ol bai strongim sosio-ekonomik dvelopmen, na tu, strongim sindaun bilong ol komyuniti insait long projek eria.

Tebol daunibilo i soim sampela o projek i stap nau long paipain bilong UNFCCC CDM Bod Tok orait na ol beslain emisin (BE) mak, emisin ridaksen (ER) na ol trutru projek emisin (PE) bihain long ol projek i kamap. Tebol i soim totol estimetet BE, ER na PE bilong OCCD DNA tok orait CDM Projek Wok

| Name of Project                                                                                              | Estimated BAU BE (GtCO <sub>2</sub> e) | Estimated Emission Reductions (GtCO <sub>2</sub> e) | Estimated Project Emissions (GtCO <sub>2</sub> e) |
|--------------------------------------------------------------------------------------------------------------|----------------------------------------|-----------------------------------------------------|---------------------------------------------------|
| Oil Search Limited Flare and Vent Gas Conservation Project                                                   | 573,340                                | 474,830                                             | 98,510                                            |
| NBPOL, Hargy Methane Avoidance Project (Oilse Bay Province)                                                  | 468,930                                | 382,241                                             | 86,689                                            |
| NBPOL, Sangeru Methane Avoidance Project (Uru Province)                                                      | 764,889                                | 666,360                                             | 98,529                                            |
| NBPOL, Misa POME Methane Capture and Biogas Energy Generation Project (WNB Province)                         | 506,876                                | 441,832                                             | 165,044                                           |
| NBPOL, Kanbango POME Methane Capture & Biogas Energy Generation Project (WNB Province)                       | 619,348                                | 479,527                                             | 139,821                                           |
| NBPOL, Kaptara POME Methane Capture & Biogas Energy Generation Project (WNB Province)                        | 521,277                                | 440,613                                             | 80,664                                            |
| NBPOL, Nantando POME Methane Capture & Biogas Energy Generation Project (WNB Province)                       | 613,288                                | 584,302                                             | 28,986                                            |
| NBPOL, Waramba POME Methane Capture & Biogas Energy Generation Project (WNB Province)                        | 406,671                                | 327,838                                             | 78,833                                            |
| Hargy Oil Palm Limited Methane Recovery from Wastewater Treatment Project at Sangeru Oil Mill (WNB Province) | 198,479                                | 147,248                                             | 51,230                                            |
| PNL Power Limited Onshore Hydropower CFS (Oro Province)                                                      | 143,600                                | 143,600                                             | 0                                                 |
| <b>Total</b>                                                                                                 | <b>5,646,929</b>                       | <b>4,448,383</b>                                    | <b>1,198,547</b>                                  |

I kam long: OCCD DNA (2012)

Eksibit 3: Soim olgeta estimetet beslain emisin, emisin ridaksen na projek emisin bilong ol CDM projek i gat tok orait i kam long OCCD DNA





# Ol haus sik i kisim ol indastriel wasing masin

**OL SIK manmeri long ol haus sik insait long kantri i ken kisim gut-pela lukaut wantaim ol betsit, blanket na ol samting we ol i save yusim long lukautim ol long haus sik.**

Dispela i kamap long dispela wik bihainim ol indastriel wasing masin we Helt na HIV na AIDS Minista, Michael Malabag, i givim ol i go long Nesenel Helt Dipatmen bilong tilim i go long ol haus sik i laikim stret ol dispela masin bilong wasim klos.

Manimak we ol bin baim ol dis-

pela indastriel wasing masin samting em long K6.5 milian. Nesenel Geming na Kontrol Bot i bin givim dispela mani i go long Praim Minista, Peter O'Neill long dispela ya we em i givim i go long Helt Dipatmen na dipatmen i yusim long baim ol dispela masin ol bai tilim i go long ol haus sik long kantri.

Taim em i kisim ol masin long Badili Medikel Stoa, Minista Malabag i tok "gavman i gat komitmen long inapim ol helt nid bilong pipel na mi, olsem Helt Minista i promis long wok wantaim gavman long

kisim ol helt kea sevis i go long ol pipel bilong yumi.

"Olsem Minista we ol dispela samting i kam aninit, bai mi givim stia na lidasip long ministri bilong mi long lukim olsem ol polisi we gavman i mekim, mi go hetim," Minista Malabag i tok.

Minista Malabag i tok em i amamas long givim ol indastriel wasing masin i go long Nesenel helt Dipstmen long ol pablik haus sik i ken yusim bikos ol i gat bikipela wok long lukautim gut ol sik manmeri i save slip long haus sik.

Em bin tok ol dispela indastreik wasing masin bai kilim ol "germs" o ol binatang nogut i save hait insait long ol betsit na ol narapela samting ol haus sik i save yusim.

Em bin tok long sampela pablik haus sik we ol i yusim ol linen na ol narapela samting na tu, ol klos we ol nes i save werim i deti na i smel bikos ol i no save wasim gut, o bikos ol masin i bagarap na i nogat ol narapela moa masin long haus sik.

Taim dispela i kamap, Minista Malabag i tok level bilong lukautim

ol sik manmeri na pikinini i save go daun.

"Tasol tude, level bilong lukautim ol siklain i slip long haus sik bai kamap gut, na tok tenkyu i go long Praim Minista long givim K6.5 milian i kam long Helt dipatmen.

"Ol dispela wasing masin bai helpim gut long gat ol klinpela linen o ol betsit na ol narapela samting insait long ol haus sik bet, ol wod imejensi dipatmen na ol narapela eria long ol haus sik," Minista Malabag i bin tok.

## 640 milian pipel long wol i aipas

SAMTING olsem 640 milian pipel long wol i aipas o i gat hevi long lukluk long ai bilong ol na dispela em bikos ol i nogat ples bilong sekim ai na kisim aiglas.

Ol i tokaut long dispela long taim bilong selebretim Wol Sight De (WSD) ol bi selebretim long Buka long las wik Fonde.

Buka Visen Senta wantaim helpim bilong PNG Eye Care i bin joinim WSD selebren long helpim awenes bilong ol ai kea sevis insait long komyuniti.

WSD i fokus long gutpela visen bilong pipel o olgeta manmeri i mas gat gutpela ai long lukluk wantaim.

PNG Eye Care O p e r e s e n s Menesa, Eileen Tugum i tok olgeta gavman na ol institusen long wol i mas edresim wanpela hevi we i isi long stretim na em, long ai i no lukluk gut.

"Taim yumi no wokim samting long stretim dispela, em bai go nogut na man bai kamap aipas. Dispela i bagarapim sans bilong skul na kisim wok na bihain, pasin turangu.

Sif Eksekutiv Opisa bilong Eyecare Education nau i senisim nem i go

long Brian Holden Vision Institute, Profesa Brian Holden, i tok institute i wok long sanapim wan wan ai kea senta long ol wan wan rujen bilong dispela kantri, na ol i ken helpim pipel wantaim sik bilong ai, givim ol aiglas long ol lain i gat hevi long ai, na daunim sik.



SELEBRETIM WOL SIGHT DE: Ol lain long Buka i wokim wanpela mas long taun long selebretim de bilong lukluk. Poto: PNG Eye Care

## Australia givim K22 milian long daunim sik TB

SIK TB em i wanpela bikipela sik long dispela kantri na K22 milian we AusAID i makim gavman bilong Australia i givim long sapotim TB program long Westen Provins bai helpim long strongim wok long daunim dispela sik.

Helt Sekreteri, Pascoe Kase, i tok olsem taim em i autim tok tenkyu na luk-save i go long AusAID long givim bikipela mani mak bai helpim helt infra-staksa o ol haus sik bilding, tritmen na pablik awenes long sik TB long Westen Provins.

Sekreteri Kase i tok sik TB em i wanpela bikipela hevi long dispela kantri. Na wok glasim long nogut bilong dispela sik em i gat long Westen Provins gavman bilong PNG na Profesa Emma McBryde bilong Viktoria Infeksen Disis sewwis long Melbon, Australia i bin karimaut, i soim bikipela helpim we Australia i givim na nau, TB Program menesmen



Mascot bilong TB i raun kempein...

long Daru na Saut Flai i go gut.

Mista Kase i tok long glasim bilong Profesa McBryde, ofaim TB sevis long ol siklain bilong PNG long ol Torres Streit klinik i no gutpela rot bilong stretim TB hevi long Westen provins bikos em bai mekim ol marasin i no wok (drug resistant).

Tasol em i luksave long nupela K7 milian TYB wod yet long Daru Jenerel Haus sik we AusAID i fandim na tu, givim K1 milian ambalens bilong solwara.

"Ambalens bilong solwara we AusAID i fandim

i wok long mekim ol autris raun long Saut Flai kos na tu, karimaut ol medikel ivakuesen long ol ples olsem Saut Flai kos. Dispela sip em i bikipela samting we ol helt woklain bilong yumi bai yusim long givim ol bikipela sevis long ol komyuniti i save stap long Saut Flai kos," Mista Kase i tok.

Em i tok PNG i gat bikipela hevi wantaim sik TB tasol wantaim Gavman bilong Australia olsem bikipela patna wantaim PNG gavman, dispela i helpim tru kantri long daunim sik TB.



### VACANCY ANNOUNCEMENTS

The United Nations Development Programme (UNDP) PNG Country office in Partnership with the Department of National Planning & Monitoring is seeking to recruit qualified and experienced PNG nationals for the post of National Project Manager for the Community-led Development Project.

Female candidates are encouraged to apply.

**1. Post / Level:** National Project Manager, Community-led Development Pilot Project – SB4 (SC9)

**Qualifications:** Masters degree with at least 2 years or Bachelor degree with at least 4 years experience in social works, community development, agronomy or related field; Significant experience working with development agencies, CSOs, local communities, and local government leaders on socio-economic development activities with excellent understanding of sustainable human development and the Millennium Development Goals; Demonstrated ability to successfully conduct research and manage projects in rural and remote location with minimum supervision; Must have quantitative research and data management experience.

Application deadline: 26 October 2012

Access Link: [http://jobs.undp.org/cj\\_view\\_job.cfm?cur\\_job\\_id=32711](http://jobs.undp.org/cj_view_job.cfm?cur_job_id=32711)

Detailed information can be obtained online using the above links. Interested/qualified candidates should submit their application online by uploading updated CV and copies of academic qualifications.

Only short-listed candidates will be contacted for interviews.





## Kingdom bilong God

WANPELA misinari bilong Amerika i bin wokim wok misin long kantri Saina. Long yia 1940, Gavman bilong Saina i bin rausim em bikos Saina em i Komunis kantri na ol i no laik bai Katolik Sios i kamap long hap.

Misinari i bin lusim Saina tasol em i no go stret long Amerika. Pastaim em i go long kantri India. Taim em i wetim sip bai karim em i go bek long Amerika, em i raun raun lukim ples bilong kantri India.

Wanpela de em i kamap long wanpela nambis we em i bin bungim wanpela refugi grup bilong Juda manmeri. Ol i stap long wanpela kem. Bihain long ol i lusim kantri bilong ol taim Hitler i bin kilim planti bilong ol long Gemani. i luk olsem nogat wanpela lain i wokim wok long lukautim na helpim ol.

Long taim misinari i bungim ol, em i klostu long Krismas. Ol Judaman i nogat samting long selebretim Krismas. Misineri i pilim bikpela sori long ol. Olsem na em i salim tiket bilong sip bilong em i go bek long Amerika. Wantaim mani bilong tiket, em i baim sampela kek (cake) na givim long ol Judaman long selebretim Krismas. Bihain em i raitim na salim pas i go long supiria long Amerika, askim mani bai em i yusim long baim tiket i go bek long Amerika.

Taim em i kamap long Amerika, supiria i tok bilas long em, "Bilong wanem yu baim kek na givim ol Judaman long selebretim Krismas? Ol Judaman i no bilip long Jisas!".

Misinari i bekim tok bilong Supiria bilong em, "Ol i no bilip long Jisas, tasol mi bilip. Bilip bilong mi go long Jisas mi bin soim long mekim wok bilong helpim ol Judaman i bin bungim hevi. Long wokim wok bilong helpim ol, mi helpim mekim Kingdom bilong God i kamap ples klia". Supiria i nogat tok moa.

Olgeta taim yumi prea Papa Bilong Mipela, yumi askim God "Mekim Kingdom bilong yu i kam". Wanem mining bilong Kingdom Bilong God?

Jisas i laikim bai gat wanpela taim, olgeta manmeri i soim laik pasin bilong ol, long helpim narapela narapela, pogivim narapela na sapotim narapela manmeri taim ol i bungim hevi na wari. Kingdom Bilong God i nogat banis bilong em.

Kingdom bilong God i no bilong wanpela etnik grup tasol o wanpela riligen, kalsa o wanpela politikel grup tasol. Kingdom Bilong God em i wanpela ples we olgeta manmeri i kamap wan na pilim olsem memba na hap bilong bikpela yunien bikos Lord i stap namel long yumi.

Olsem Kristen manmeri, yumi gat wanpela krangki luksave long mining bilong Kingdom Bilong God. Yumi tingim Kingdom bilong God em i bilong ol Kristen manmeri tasol. Em i no tru ! Bikos Kingdom bilong God em i bikpela moa na i karamapim olgeta manmeri i gat gutpela tingting.

Olsem Kristen manmeri, yumi mas kamapim Kingdom Bilong God olsem Jisas i tokim yumi long wokim. Yumi i mas developim na soim rispek bilong yumi i go long narapela manmeri. Maski wari long wanem hap ol i kam long en o wanem rilijen o lotu ol i gat na wanem kalsa bilong ol.

Long dispela we tasol, yumi bai kamapim Kingdom Bilong God long dispel kantri bilong yumi, PNG. Sapos wan wan lotu i tingim long ol yet, maski planti taim ol i go lotu o givim skul na kisim skul, ol i no kamapim yet Kingdom Bilong God. Bikos i gat mi pasin/selfish i stap strong yet.



LONG niuspepa bilong las wik Fraide, Memba bilong Lae Open na Minista bilong Komyuniti Developmen, Yut, Womens na Riligen i bin kamapim wanpela hap tok i no stret. Dispela hap tok i olsem, "Em bai putim wanpela TV stesen long Lae long pinis bilong dispela yia 2012". Nem bilong dispela TV stesen em 'God TV'.

Long lukluk na save bilong mi olsem sios wokman, mi glasim em i no stret. God em i Suprim na Bikpela tru long yumi na wol em yet i kamapim long em. Tingting na save bilong yumi i daunbilo tru na i no wankain olsem Bikpela bilong yumi. Olsem yumi kristen manmeri bilong wanwan sios yumi

save rispektim, givim ona na lotu long Em. Na olsem wanem na Honorebol Loujaya Toni i laik painim nem bilong Bikpela bilong yumi long TV? God em wok bisnis bilong Em? Em i wanpela nupela minista na em i mas wok hat nau long developim Lae siti. Na i no gutpela long bagarapim nem bilong God yumi lotu na onaim Em.

Em i gat luksave long God o nogat? Sapos em laik orait, putim Hon. Loujaya Toni TV or Lae Open TV. Em saun nais. Long Loa namba 3 long 10 komanmen i tok olsem "Do not use my name for evil purposes, for I, the Lord your God will punish anyone who misuses

my name" (Exodus 20: 7).

I gutpela sapos Minista i gat gutpela save, orait givim bek wan tenth long pe bilong em long God olsem tenkyu long win bilong em long Lae Open, o katim baset bilong Lae Distrik na givim wan tenth long olgetam sios long Lae siti. Em i moa gut.

Tru, taim yumi putim nem bilong God long bisnis, long yumi yet o long politik dispela kain bisnis na biknem em i no save i stap longpela taim. Olsem hap tok i stap olsem "You shall not use God's name in vain". Olsem tasol Minista i junia tumas na bikpela wok bilong em, em long physical, mental, social na spiritual welfea bilong

ol manmeri na yangpela bilong yumi long Lae siti na kain bisnis bilong Lae siti igo long rong rot. Em i wankain olsem sampela ol liklik lain pentikostel i mislidim gavman na deklirim 26 Ogas olsem Kavanent o pablik malolo na yumi paul tru. Ol 4-pela menlain sios i paul na i wok long painim sios kalenda long 26 Ogas istap tu o nogat. Wankain olsem i luk olsem Minista i wanpela bilong ol dispela lain na laik paulim ilektoret bilong em long kamapim kain nem olsem God TV.

Moa gut minista i mas putim Honorebol Loujaya Toni TV na olgeta vota bai lukim nem bilong em pairap na bai mekim em win long 2012 ileksen.

## Morata sabeb bai kisim gutpela luksave - Malabag

**OL PIPEL i stap long Morata sabeb insait long Nesenel Kapitela Distrik bai lukim gutpela sevis na peris tu i ken karimaut gut ol wok program bilong em, na tok tenkyu i go long Helt na HIV na AIDS Minista na Mosbi Notwes memba, Michael Malabag.**

Morata Klinik i stap aninit long lukaut bilong Katolik Sios, na long las wik Sande, Minista Malabag i bin givim K250,000 i go long peris pris, Pater Rosario, bilong sapotim ol wok bilong peris na klinik.

Peris i bin selebretim pestode bilong was santu bilong em, Sen Martin de Porres we Minista Malabag husat i wanpela strongpela Katolik i bin stap long Misa lotu.

Morata Katolik komyuniti i bin askim Minista Malabag long go long lotu na selebret wantaim ol. Long dispela taim tu, Minista Malabag i bin opim nupela groto long stetyu bilong Santu Mama Maria.

Taim misa lotu i bin pinis, Peris pris, Pater Rosario i bin tok peris na sios i amamas long Min ista Malabag i lotu wantaim ol.

Em bin tok long las mun bihain tasol em i kamap helt minista, Mista Malabag i bin raun i go lukim Morata Klinik na i harim ol wari bilong ol nes, sister na komyuniti long hap. Na long dispela taim, em bin tok long givim ol helpim long karimaut ol wok mentenens na putim banis i raunim klinik eria.

Morata klinik i save sevim planti tausen pipel i gat long em ol wok manmeri, ol grasrut, ol PMV operetta na ol liklik bisnis manmeri i kam long olgeta hap bilong kantri husat i save stap long dispela ples we ol kain bikhet pasin i save kamap na planti pipel i save pret long go long em.

Pater Rosario i tok klantri i laikim moa lida olsem Minista Malabag husat i no lusim tingting long inapim ol promis bilong em, na i no olsem sampela ol mauswara lain.

Minista Malabag i bin tok em i amamas long givim helpim i go long sios na helt klinik long sevim laip bilong ol pipel.

Em bin tok em bai givim helpim i go long Tokarara Klinik we Seven De Edventis Sios i papa long en, na Gerehu Sen John's i go long Level 5 Haus sik.



GAT LEWA LONG HELPIM: Helt na HIV na AIDS Minista, Michael Malabag, i toktok long Morata Katolik Sios. Poto: Nicky Bernard

TUPELA EM PLANTI TUMAS!

DAUNIM NAMBA BILONG OL LAIN YU SAVE SILIP RAUN WANTAIM IGO LONG WANPELA


Ol lain yu save silip raun wantaim bai igat ol narapela lain ol save silip raun wantaim tu - Sapos wanpela bilong ol bin igat HIV, yu bai igat bikpela sans long kisim HIV.

Daunim namba bilong ol lain yu save silip raun wantaim igo long wanpela tasol, emi nambawan rot long

BANIJIM WANEM SAMTING YU LAIKIM STRET.

Learn more at:  
[www.facebook.com/protectwhatyoulovepng](http://www.facebook.com/protectwhatyoulovepng)





# Solwara maining winim save bilong yumi

Planti toktok i kamap pinis long gutpela na nogut bilong si bed maining we bai kamap namel long solwara bilong Nu Allans provins kam olsem long Manus, Madang na Wes Nu Briten provins.

Dispela em wanpela kain maining projek we bai kamap aninit long solwara na yumi ol pipel bilong Papua Niugini no save lukim kain projek olsem bipo long laip bilong yumi. Em ol bikipela mama maining kampani insait long wol save mekim kain maining olsem aninit long solwara.

Tingim, solwara em i no wankain olsem graun we yumi wanwan famili o klen i gat nem olsem papagraun. Solwara em bikipela wara tasol na graun aninit long solwara em husat i papagraun. Tumbuna bilong husat save raun long dispela graun bipo na planim kokonas o kaukau o tanget o kain samting olsem. Ating ol pis em bilong yumi tu o nogat?. Mi no klia tumas long dispela tasol gutpela moa long gavman wantaim ol saveman bilong kain



maining olsem mas toktok klia long yumi ol grasrut bai yumi ken kisim save.

Nogut bai maining kampani bai kisim ol oil na ges aninit long solwara na no inap peim wanpela man long ples bikos ol save olsem yumi no papagraun long ol graun aninit long solwara.

Gavman bilong Papua Niugini i sainim agrimen pinis wantaim dispela maining kampani long karimaut wok bilong drilim paip go daun long graun aninit long solwara long pulim oil na ges kam antap long sip bilong ol.

Ating gavman bilong Papua Niugini save olsem em bai kisim bikipela mani long dispela wok maining we

ol pipel i no papa long graun, solwara na ol pis na rif.

Tasol bai i gat sampela hevi i kamap long laip na sindaun bilong ol ples na pipel i stap long ol nambis bilong ol dispela provins o nogat? Long liklik tingting tasol, sapos masin i digim hul long graun aninit long solwara, bai dispela hul i daunim ol wara go daun. Ating bai solwara bai rives liklik go bek lusim nambis bikos bikipela hul i daunim wara go daun.

Bai i gat ol doti na bagarap long aninit we inap bagarap ol kaikai bilong ol pis na abus bilong solwara o nogat?. Sapos oil na ges i lik aninit long solwara bai i poisin kamap long solwara na ol abus na rif o nogat?.

Bai masin i brukim ol maunten na graun aninit long solwara o nogat?. Na ol pipia bai ol bungim long we?.

Em ol liklik askim tasol bilong yumi ol liklik manmeri bilong Papua Niugini na moabeta ol saveman bilong kain bikipela projek olsem wantaim gavman mas skulim

yumi liklik long kisim liklik moa save long kain mama maining olsem.

Em samting bilong ol waitman we ol gat bikipela save na ol save mekim long planti hap bilong wol we save bilong yumi i tamblo tumas long klia long dispela kain wok.

Tingim tasol, em bikipela wok maining na traipela mani ol bai kisim na bai yumi ol grasrut bilong Papua Niugini bai kisim liklik loyolti tu o nogat?.

Dispela maining nau bai winim tru save bilong yumi ol pipel nau olsem yumi ol pipel mas toktok strong long moa toktok na tok klia mas kam long yumi. Pulim straik antap long solwara tu i no seif long yumi olgeta bikos kanu bai kapsait na yumi inap drink solwara na sotwin sapos polis ronim yumi.

Olgeta Provinsel Gavman na ol memba na ol saveman bilong PNG mas mekim eksen nau na kam klia long ol pipel bilong Papua Niugini long dispela bikipela mama projek.



## KOMENTRI

### Ol Manus papagraun i tingting klia nau

SAPOS ol i no bin tingim strong bilong ol olsem ol papagraun, nau ol lain len ona long Manus provins i save.

Ol i holim graun, na ol i ken pasim get.

Dispela wik, yumi harim stori olsem ol papagraun long Manus i tokim Australia long kisim ol asailam sika lain bilong ol i go bek, na noken salim ol i kam long Manus.

Narapela nius long Australia midia dispela wik long wok sekyuriti long dispela asailam sika senta long Manus i kamap.

Bikipela sekyuriti kampani long wol na hia long PNG, G4S i wok pulim kain kain sut toktok olsem ol i nogat inap save na strong bilong lukautim gut sekyuriti bilong asailam sika senta.

Long narapela sait bilong Pasifik long Nauru, ol asailam sika i wok long protes long lusim Nauru na go bek long ples bilong ol.

Sampela i traim long kilim ol yet. Ol i les long stap long Nauru.

Planti nius tru i bruk dispela wik long sindaun bilong ol dispela lain turangu i ronawe lusim kantri bilong ol na painim nupela ples bilong sindaun.

Nau, ol asples long Manus i tok, ol i laikim moa luksave, na moa pe long larim ol turangu wairaman i go sindaun long banis long graun bilong ol.

Insait long olgeta dispela toktok, yumi no lukim ol papagraun i soim tit.

Nau yumi lukim ol.

Na olsem wanem long yusim wanpela sekyuriti kampani, husat i bin mekim bikipela asua tru long 2012 Olimpik Gems, long lukautim asailam sika senta long Manus?

Yumi gat wanem kain save long mekim dispela wok, na yumi suvim het?

Na antap long tebol bilong ol politisen bilong yumi, yumi lukim ol lida bilong yumi na Australia i holim pas na danis i stap wantaim kain kain askim na wok i go het long inapim laik bilong ol.

Musik i on, na ol lida i danis, tasol bikipela pairap i kamap ausait long dens floa.

Ol papagraun i spak, na ol i les long ol lain husat i painim graun long sindaun, na ol i opim ai pinis long ol lain husat i traim long haitim ol bikipela hevi bilong ol, aninit long ol tok promis bilong slekim ol banis bilong larim moa PNG manmeri na bisnis i go daun long Australia.

Husat tru i wok long kisim 'hait kompensesen' long dispela pani stori?



Published Weekly, Thursday, for  
Word Publishing Company, Ltd.  
P.O. Box 1982, Boroko, NCD  
Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia  
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager  
Elizabeth Konga

Editor  
Neville Choi

Published at  
Able Building Complex,  
Sec 58 Lot 02,  
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.





# TOK PISIN NEWS

from Radio Australia

radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am 6080; 7240(KHZ)  
7pm - 9pm 5995; 6020; 9710; 1280(KHZ)

## UNHCR i autim wari bilong en long Manus asailam senta

ANTONIO Guterres, Yunaitet Nesens Hai Komisina bilong ol Refuji, i putim sampela askim i go long plen bilong Australia Gavman long salim ol asailam sika long Christmas ailan i go long Papua Niugini.

Insait long wanpela leta i go long Imigresen Minista bilong Australia, Chris Bowen, Mista Guterres i bin tok em i bilip Papua Niugini i no inap long sait bilong loa long mekim olgeta samting bilong dispela ol asailam sika em Australia bai salim i go long Manus ailan.

Em i tok UNHCR i bilip dispela wokbung i mas kamap namel long tupela kantri, na i no PNG tasol.

Em i bin tok insait long dispela leta, olsem Papua Niugini i no gat ol loa karamapim ol pipel i askim long kamap refuji.

Long namel taim Gillian Triggs, Presiden bilong Australian Human Rights Commission, husat i kam bek long wanpela raun i go long Christmas Ailan, i tok ol asailam sika 'ol i no wari long kisim bot long go long Australia'.

"Taim mi askim ol, sapos ol i save long Nauru polisi o long opso pros- esing polisi, ol bai kam yet, na ol i tok i stret olsem ol bai kam yet."

## 'Stori bilong Haus Tambaran i min wanem long mipela bilong Wara Sepik?'

PIUS Bonjui, bilong Radio Australia na bilong Korogo Vilis long Wara Sepik, i lukluk long stori bilong ol Haus Tambaran long Is Sepik Provins bilong Papua Niugini.

Ol traib, klen o lain wan pisin long Sepik Riva i save wokim ol naispela kaving long diwai na klei pot.

Planti lain wan pisin i save yusim ol garamut long ol kain kain kastom mak. Ol i wokim ol garamut long diwai na katim hul i go insait long en na sapim mak long ol kain kain eni- mol.

Long hap mi kam long en, garamut i pleim bikpela pat long laip bilong ol man. Wanpela long ol bikpela we mipela i save yusim garamut em long salim toksave i go long husat i go stap long gaden o i go painim abus long bus, long tokim em i kam bek long ples kwik, o i go long haus tam- baran.

Mi gat garamut siknel bilong mi na



## Gillard krungutim India

AUSTRALIA Prais Minista, Julia Gillard i kisim bikpela welkam tu long stail bilong India stret, taim em i kamap long New Delhi long Mande dispela wik. Pastaim long em i kamap long India, Mis Gillard i bin malolo na lukim ol Australia soldia i stap pait long Afghanistan.

ol brata bilong mi i gat bilong ol yet.

Long hap bilong wanpela sere- moni long makim 'kamap man' bilong ol yangpela man, ol i sekri- faisim ol wantaim ol piksa bilong wanpela pukpuk antap long sait bilong wara.

Ol i save katim skin long bros na long baksait bilong ol yang- pela man na i save spendim sampela taim insait long haus tambaran o Spirit haus i go inap taim ol bikman i larim i go aut bihain long karimaut ol kain kain kastom seremoni.

Haus tambaran em ol man tasol i save yusim olsem wanpela miting haus. Em i ples bilong ritu- al o inisiesen, minim, ples bilong pasin kastom i kamap.

Ol i save yusim tu long givim tok tenkyu i go long ol spirit i bringim gutpela gaden kaikai, planti pis long wara, na tu, long gutpela sindaun bilong ol pipel long vilis.

Em i tambu long ol meri i go insait long haus tambaran, wok bilong ol i bilong rereim kaikai, halivim wantaim ol bilas bilong taim bilong singsing.

Wara Speik i wanpela long ol longpela riva long wol, we wara i

save ron oltaim na tu, i save tait planti.

Wanpela i ken lukim Hunstein Range na ol narapela maunten long sauten hap bilong provins taim yu pul kantu long Sepik Riva.

Sapos yu lukim Nesenel Palamen bilong Papua Niugini, em i mak na piksa bilong Haus Tambaran.

## Planti tausen pipel bai bung long Bali long makim tenpela yia bom pairap

DISPELA anivesari i bungim tu, Australia Prais Minista, Julia Gillard, bipo Prais Minista John Howard, na Oposisen Lida, Tony Abbott wantaim ol savaiva, famili na ol pren bilong ol.

Samting olsem wan tausen 500 polis bai stap raun long ol strit, long ples balus na long ol basis.

Deputi Sif bilong Indonesia long Kaunta Terorisim Ejensi, em yet, long Harry Purwanto, i tok dispela ol pairap long tenpela yia i go pinis, i senisim we kantri bilong en i go pas long pait bilong

ol agensim ol teroris.

"Bihain long bom pairap long Bali, mipela i strongim save bilong mipela long painim bihain- im ol teroris long banisim ol, na tu, mipela i painim ol teroris pasin i laik kamap. Olsem na nainti nain pesen bilong ol teroris pasin long Indonesia inap kamap ples klia," em i tok.

## PNG Helt Minista i laik kamapim ol bikpela senis long helt sevis

HELT Minista bilong Papua Niugini, Michael Malabag, i laik senisim planti samting long helt sevis bilong kantri.

Na wanpela long ol bikpela wari, em i lukim, em ol marasin i no save go kamap long ol rurel eria bilong Papua Niugini.

Bikpela tingting bilong ol dis- pela nupela plen em long lukim olsem nesenel gavman i bringim gutpela ol helt sevis i go long olgeta eria bilong Papua Niugini.

Dispela ol plen tu i bihainim tingting bilong Gavman bilong Peter O'Neill em helt i namba wan tingting bilong ol insait long

narapela faivpela yia i kam.

Minista Malabag i tok i gat planti wok long mekim long sevis i ken go aut long ol rurel na taun eria.

## Ol meri long PNG Gulf Provins itok LNG imas halvim

gut provins bilong ol WANPELA lida meri long Galp provins long Papua Niugini i laik long ol pipel bilong provins i mas kisim bikpela halivim oa benefit long Galp LNG Projek insait long Galp bilong Papua.

Tete Keko, Presiden bilong Galp Provinsal Kaunsil bilong ol Meri, i tok planti taim ol pipel husat i papa long ol risos, i no save kisim gutpela kaikai long ol bikpela projek long kantri.

Em i tok, em i sore samting long lukim ol papa graun, na moa yet, ol mama na pikinini i abrus long ol ben- efit i save kam long ol bikpela risos projek.

Mis Keko i tok long dispela nau em i laik long gavman na ol divelopa bilong Galp LNG i mas kirap ol awenes progrem long ol benefit na hevi i kamaut long dispela projek.

Ol i estimetim bai Galp LNG i kos- tim 5.4 bilian US dola long divelopim, na gavman bilong PNG i makim long bai em i stat long eksptom Likwifait Netseral Ges o LNG long pinis bilong yia 2017.

# Pacific BEAT

4, 5, 6am & 4pm, 5pm  
including sport

Listen to Radio Australia  
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.





### 1. Giaman Omo

POLIS long Sidni (Sydney) Australia, i brukim wan-pela hait bisnis. Midel Isten Kram Skwat (MEOCS), i mekim wok painimaut long ol giaman sop paura ol i save hait na kisim long Saina i go insait long Australia. Ol dispela giaman sop paura em ol i save hait na salim long ol liklik stua na maket long Saut-Wes Sidni. (AAP Images)



### 2. Gangnam Stail kukim Sidni

MUSIK man bilong Saut Korea, Sai (Psy) o Jae-Sang Park, i sanap na givim stail bilong em long ol i kisim poto bilong em long Sidni. Musik vidio bi-long Sai, nem bilong singsing em Gangnam Syle, i raun long Australia long singsing long sam-pela ol bung long hap. Dispela singsing, em nau planti manmeri tru long wol i klia long en. (AAP Images)



### 3. Plastik beg bikpela samting long Frans

Ol turis i wokabaut wantaim plastik beg ol i pasim raunim su bilong ol long rot we taitwara i karamapim. Dispela em wanpela rot long Sen Mark's skwea long Venis (Venice), Itali, long namba wan 'acqua alta' bilong sisen long Oktoba 15, 2012.



### Felix Baumgartner i salut pastaim long em i kalap

MAN husat i no save pret long mekim samting bilong holim rekot, i kalap i go aut long wanpela bokis i stap 40 kilomita antap long skai. Felix Baumgartner i kamap namba wan man long mekim dispela kalap long dispela mak long olgeta arapela manmeri long wol.



*Raun wantaim Wantok kru ...*



# Radio musik na bihain bilong danis

Bipo ol save bihain stail string  
bend anis bilong ol, singsing bi-  
long ol bai kam gut tru na danis  
bilong ol save bihainim singsing  
na musik bilong string ben.

Long sait bilong Sentrel tu  
 olsem, dispela pilai string ben na  
 danis i wok long lus long ol, planti  
 ol yangpela na pikinini bilong ol i  
 wok long harim musik na sings-  
 ting bilong ol pasifik allan olsem  
 Fiji, Tonga, Cook Ailan na danis  
 bihainim.

| FONDE 18 OKTOBA, 2012                         |                                     | FRAIDE 19 OKTOBA, 2012            |                                     | SARARE 20 OKTOBA, 2012      |                                            | SANDE 21 OKTOBA, 2012                              |  |
|-----------------------------------------------|-------------------------------------|-----------------------------------|-------------------------------------|-----------------------------|--------------------------------------------|----------------------------------------------------|--|
| 5:57 AM G STATION OPEN                        | 5:55 PM G <u>EMTV TOKSAVE</u>       | 5:57 AM G STATION OPEN            | 5:55 PM G <u>EMTV TOKSAVE</u>       | 5:57 AM G AUSTRALIA NETWORK | 5:57 AM G <u>STATION OPEN</u>              | 8:00 AM G <u>YOGA SUTRA — Stress</u>               |  |
| 5:00 AM G <u>JOYCE MEYER</u>                  | 6:00 PM G <u>EMTV NATIONAL NEWS</u> | 5:00 AM G <u>JOYCE MEYER</u>      | 6:00 PM G <u>EMTV NATIONAL NEWS</u> |                             | 6:30 AM G <u>EMTV NEWS REPLAY</u>          | 8:30 AM G <u>BUSINESS PNG Repeat...</u>            |  |
| 5:30 AM G <u>EMTV NEWS REPLAY</u>             | 7:00 PM G <u>RAIT MUSIK</u>         | 5:30 AM G <u>EMTV NEWS REPLAY</u> | 7:00 PM G <u>RAIT MUSIK</u>         |                             | 7:00 AM G <u>WAYBULOQ</u>                  | 9:00 AM G <u>MARTIN MYSTERY</u>                    |  |
| 6:30 AM G <u>TODAY</u>                        | 8:00 PM G <u>RESOURCE PNG</u>       | 5:30 AM G <u>EMTV NEWS REPLAY</u> | 8:00 PM G <u>RESOURCE PNG</u>       |                             | 7:30 AM G <u>U/GUINNESS WORLD RECORD</u>   | 9:30 AM G <u>OLSEM WANEM Repeat.</u>               |  |
| 9:00 AM G <u>CLASSROOM BROADCAST</u>          | 9:00 PM G <u>SOCCER EXTRA</u>       | 5:30 AM G <u>EMTV NEWS REPLAY</u> | 9:00 PM G <u>SOCCER EXTRA</u>       |                             | 8:00 AM G <u>G YOGA SUTRA</u>              | 10:00 AM G <u>RESOURCE PNG — repeat</u>            |  |
| 9:00 — 9:40 GRADE 7 MATHEMATICS               | 9:08 PM G <u>HOT SPOT</u>           | 5:30 AM G <u>EMTV NEWS REPLAY</u> | 9:08 PM G <u>HOT SPOT</u>           |                             | 8:30 AM G <u>K-WAVE</u>                    | 11:00 AM G <u>AROUND THE WORLD IN 85 PLATES S1</u> |  |
| 9:50 — 10:30 GRADE 7 SCIENCE                  | 9:30 PM G <u>DIGICEL STARS 3</u>    | 5:30 AM G <u>EMTV NEWS REPLAY</u> | 9:30 PM G <u>DIGICEL STARS 3</u>    |                             | 9:00 AM G AUSTRALIA NETWORK                | 12:00 PM G AUSTRALIA NETWORK                       |  |
| 10:40 — 11:15 GRADE 8 MATHEMATICS             | 10:30 PM G <u>EMTV NEWS REPLAY</u>  | 5:30 AM G <u>EMTV NEWS REPLAY</u> | 10:30 PM G <u>EMTV NEWS REPLAY</u>  |                             | 6:00 PM G <u>OLSEM WANEM</u>               | 3:30 PM G <u>Bledisloe Cup</u>                     |  |
| 11:20 — 12:00 GRADE 8 SCIENCE                 | 11:30 PM G <u>AUSTRALIA NETWORK</u> | 5:30 AM G <u>EMTV NEWS REPLAY</u> | 11:30 PM G <u>AUSTRALIA NETWORK</u> |                             | 6:30 PM PGR <u>NO ORDINARY FAMILY - 7:</u> | 5:30 PM G <u>KOKODA SPECIAL</u>                    |  |
| 1 PM — 3 PM G <u>C/B-CASTS</u> continues..... |                                     | 5:30 AM G <u>EMTV NEWS REPLAY</u> |                                     |                             | 30PM G <u>BLEDISLOE CUP</u>                | 6:00 PM G <u>EMTV NATIONAL NEWS</u>                |  |
| 1:00 — 1:40 GRADE 6 MATHEMATICS               |                                     | 5:30 AM G <u>EMTV NEWS REPLAY</u> |                                     |                             | 9:30 PM MAO <u>HOMELAND</u>                | 6:30 PM G <u>DIGICEL STARS 3 — Heat No.4</u>       |  |
| 1:50 — 2:30 GRADE 6 SCIENCE                   |                                     | 5:30 AM G <u>EMTV NEWS REPLAY</u> |                                     |                             | 10:30 PM G <u>EMTV NEWS REPLAY</u>         | 7:30 PM G <u>60 MINUTES</u>                        |  |
| 2:30 — 3:00 DEPI                              |                                     | 5:30 AM G <u>EMTV NEWS REPLAY</u> |                                     |                             | 11:00 PM G AUSTRALIA NETWORK               | 8:35 PM G <u>Chit Chat —Rpt...</u>                 |  |
| 3:00 PM G <u>KIDS KONA</u>                    |                                     | 5:30 AM G <u>EMTV NEWS REPLAY</u> |                                     |                             |                                            | 8:40 PM MAO <u>MILLION DOLLAR BABY</u>             |  |
| 3:00 PM DORA THE EXPLORER                     |                                     | 5:30 AM G <u>EMTV NEWS REPLAY</u> |                                     |                             |                                            | 10:30 PM G <u>HILLSONG Rpt...</u>                  |  |
| 3:30PM NEW MACDONALD'S FARM                   |                                     | 5:30 AM G <u>EMTV NEWS REPLAY</u> |                                     |                             |                                            | 11:00 PM G <u>EMTV NEWS REPLAY</u>                 |  |
| 4:00PM THE SHAK                               |                                     | 5:30 AM G <u>EMTV NEWS REPLAY</u> |                                     |                             |                                            | Repeat of the 6 o'clock main news bulletin.        |  |
| 4:30PM KITCHEN WHIZ                           |                                     | 5:30 AM G <u>EMTV NEWS REPLAY</u> |                                     |                             |                                            | 11:30 PM G <u>AUSTRALIA NETWORK</u>                |  |
| 5:00 PM G <u>FUNNIEST HOME VIDEO SHOW</u>     |                                     | 5:30 AM G <u>EMTV NEWS REPLAY</u> |                                     |                             |                                            |                                                    |  |
| 5:30 PM G <u>STORMWORLD</u>                   |                                     | 5:30 AM G <u>EMTV NEWS REPLAY</u> |                                     |                             |                                            |                                                    |  |



# TORO



# BIABIA



# KANAGE



# TOKWIN

## Godens maket stori i tru o nogat?

Dispela wik yumi harim olsem wanpela mama ol i bagarapim em long Godens maket we i kirapim bikpela toktok stret i tru o nogat.

Nau yet Suprintendent bilong Polis long Midia i mekim wanpela bikpela toktok long dispela asua i kamap

long Godens maket i no tru. Bikos em i no kisim wanpela polis ripot long dispela asua i kamap.

Em i kirap na tok husat i witnesim dispela asua i kamap long Godens maket mas kam na mekim ripot o dispela mama na wantok bilong em mas kam na mekim ripot.

Nau yet em i no lukim wanpela ripot na salim toksave long olgeta midia long tokaut husta

tru dispela ripota i mekim dispela stori long National pepa kirapim bikpela wari, pret na kros i kamap long pablik we i daunim polis dipatmen long ol i no mekim wok bilong ol. Dispela stori tu i kamap long ovasis pepa we i daunim yumi ol Papua Niugini long pasin bilong yumi olsem ol kanak na olsem ol pik na dok.

*Tokwin Tasol...*

|   |   |   |   |   |   |   |   |   |   |   |   |   |   |   |   |   |
|---|---|---|---|---|---|---|---|---|---|---|---|---|---|---|---|---|
| A | T | R | I | F | H | F | T | Y | T | F | S | I | A | S | E | A |
| A | J | L | S | M | H | E | A | C | L | U | E | I | W | L | F | L |
| L | S | E | S | L | A | L | E | I | W | L | F | L | J | L | I |   |
| I | T | F | A | E | S | F | L | U | F | A | A | X | N | H | I |   |
| I | A | S | K | H | J | S | L | C | X | U | G | N | S | J |   |   |
| S | E | C | U | L | I |   |   |   |   |   |   |   |   |   |   |   |
| S | C | T | U | L | H | I |   |   |   |   |   |   |   |   |   |   |
| A | T | Y | L | J | E |   |   |   |   |   |   |   |   |   |   |   |
| L | I | J | L | J | A |   |   |   |   |   |   |   |   |   |   |   |
| I | T | L | F | H | M |   |   |   |   |   |   |   |   |   |   |   |
| S | J | Q | L | H | S |   |   |   |   |   |   |   |   |   |   |   |
| S | J | Q | L | H | S |   |   |   |   |   |   |   |   |   |   |   |
| I | Y | E | F | H | H |   |   |   |   |   |   |   |   |   |   |   |
| T | E | S | E | F | A |   |   |   |   |   |   |   |   |   |   |   |
| W | S | E | A | S |   |   |   |   |   |   |   |   |   |   |   |   |
| A | L |   | I | L | U |   |   |   |   |   |   |   |   |   |   |   |

Painim ol dispela toktok bilong ron long balus:

|                   |             |              |           |
|-------------------|-------------|--------------|-----------|
| BALUS             | AIR NIUGINI | AIRLINES PNG | MAF       |
| ISLANDS NATIONAIR | PLES BALUS  | KAGO         | TI        |
| KOPI              | JIUS        | BISKET       | SIA LET   |
| SIA               | TIKET       | SEKIN        | SEKYURITI |
| LAP JAKET         | EA HOSTES   | PAILOT       | SUTKES    |

|   |   |   |   |   |   |   |   |   |
|---|---|---|---|---|---|---|---|---|
| 2 |   | 4 | 9 | 6 |   | 1 |   | 5 |
|   | 3 |   |   | 8 |   |   |   |   |
|   | 8 | 1 |   |   |   | 4 | 9 |   |
| 7 |   |   | 1 | 4 |   |   | 3 | 9 |
|   |   | 3 |   | 9 |   | 2 |   |   |
| 9 | 6 |   |   | 3 | 2 |   |   | 1 |
|   | 2 | 7 |   |   |   | 3 | 6 |   |
|   |   |   |   | 7 |   |   | 1 |   |
| 3 |   | 6 |   | 1 | 4 | 8 |   |   |

|   |   |   |   |   |   |   |   |   |
|---|---|---|---|---|---|---|---|---|
| 2 | 7 | 4 | 9 | 6 | 3 | 1 | 8 | 5 |
| 5 | 3 | 9 | 4 | 8 | 1 | 7 | 2 | 6 |
| 6 | 8 | 1 | 5 | 2 | 7 | 4 | 9 | 3 |
| 7 | 5 | 2 | 1 | 4 | 8 | 6 | 3 | 9 |
| 4 | 1 | 3 | 6 | 9 | 5 | 2 | 7 | 8 |
| 9 | 6 | 8 | 7 | 3 | 2 | 5 | 4 | 1 |
| 1 | 2 | 7 | 8 | 5 | 9 | 3 | 6 | 4 |
| 8 | 4 | 5 | 3 | 7 | 6 | 9 | 1 | 2 |
| 3 | 9 | 6 | 2 | 1 | 4 | 8 | 5 | 7 |

Ansa bilong las wik Sudoku

Ansa bilong las wik Pasol

|   |   |   |   |   |   |   |   |   |   |   |   |   |   |   |   |   |
|---|---|---|---|---|---|---|---|---|---|---|---|---|---|---|---|---|
| T | A | R | A | G | A | U | B | I | L | O | N | G | N | A | I | T |
|   |   |   |   | S |   |   |   |   |   |   |   |   |   |   |   |   |
| K |   |   |   | E |   |   |   | K | U | M | U | L |   |   | P |   |
| A |   |   |   | K | A | L | A | N | G | A | R |   |   |   | I |   |
| A |   |   |   |   |   | A |   |   |   |   |   |   |   |   |   |   |
|   |   |   |   | K | O | K | O | M | O |   |   | S | I |   | K |   |
| R |   |   |   | T |   |   |   |   |   |   | A | N |   | K | O |   |
| G | U | R | I | A |   | A |   |   | R |   |   |   |   | A | K |   |
|   | K |   |   |   |   |   |   | R | 6 |   |   |   |   | P | I | V |
|   |   |   |   |   |   |   |   | A | 6 |   |   |   |   | B | I | V |
|   |   |   |   | P | A | T | O | L | 6 |   |   |   |   |   |   |   |
| I |   |   |   | O | E |   |   |   |   | A | A |   |   | I | B |   |
| A |   |   | K | P |   |   |   |   |   |   | U | L |   |   | U |   |
| N |   | T |   | T |   |   |   | K | A | K | A | T | U |   | K |   |
| A | O |   | I |   |   |   |   |   |   |   | S |   |   |   | A |   |
| K |   | A |   |   |   |   |   |   |   |   |   |   |   |   |   |   |
| W |   |   |   | S | U | B | G | N | O | L | I | B | L | U | A | P |

# EMTV Television Guide

|                                      |                       |
|--------------------------------------|-----------------------|
| MANDE 15 OKTOBA, 2012                |                       |
| 4:57 AM                              | G STATION OPEN        |
| 5:00 AM                              | G JOYCE MEYER         |
| 5:30 AM                              | G EMTV NEWS REPLAY    |
| 6:00 AM                              | G TODAY               |
| 9:00 AM                              | G CLASSROOM BROADCAST |
| 9:00 - 9:40 GRADE 7 MATHEMATICS      |                       |
| 9:50 - 10:30 GRADE 7 SCIENCE         |                       |
| 10:40 - 11:15 GRADE 8 MATHEMATICS    |                       |
| 11:20 - 12:00 GRADE 8 SCIENCE        |                       |
| 1PM - 3PM G C/B-CASTS continues..... |                       |
| 1:00 - 1:40 GRADE 6 MATHEMATICS      |                       |
| 1:50 - 2:30 GRADE 6 SCIENCE          |                       |
| 2:30 - 3:00 DEPI                     |                       |
| 3:00 PM                              | G KIDS KONA           |
| 3:00 PM                              | BACKYARDIGANS         |
| 3:30 PM                              | NEW MACDONALD'S FARM  |

|          |                            |
|----------|----------------------------|
| 4:00PM   | THE SHAK                   |
| 4:30PM   | KITCHEN WHIZ               |
| 5:00 PM  | G FUNNIEST HOME VIDEO SHOW |
| 5:30 PM  | G STORMWORLD               |
| 5:57 PM  | G CRIME STOPPERS           |
| 6:00 PM  | G EMTV NATIONAL NEWS       |
| 7:00 PM  | PGR ONCE UPON A TIME       |
| 8:00 PM  | PGR ONCE UPON A TIME       |
| 9:00 PM  | G TOK PIKSA                |
| 9:30 PM  | G SPORTS SCENE             |
| 9:57 PM  | G EMTV TOKSAVE             |
| 10:00 PM | G EMTV NEWS REPLAY         |
| 11:00 PM | AUSTRALIA NETWORK          |

TUNDE 16 OKTOBA, 2012

|             |                       |
|-------------|-----------------------|
| 5:57 AM     | G STATION OPEN        |
| 5:00 AM     | G JOYCE MEYER         |
| 5:30 AM     | G EMTV NEWS REPLAY    |
| 6:30 AM     | G TODAY               |
| 9:00 AM     | G CLASSROOM BROADCAST |
| 9:00 - 9:40 | GRADE 7 MATHEMATICS   |

|               |                            |
|---------------|----------------------------|
| 9:50 - 10:30  | GRADE 7 SCIENCE            |
| 10:40 - 11:15 | GRADE 8 MATHEMATICS        |
| 11:20 - 12:00 | GRADE 8 SCIENCE            |
| 1PM - 3PM     | G C/B-CASTS continues..... |
| 1:00 - 1:40   | GRADE 6 MATHEMATICS        |
| 1:50 - 2:30   | GRADE 6 SCIENCE            |
| 2:30 - 3:00   | DEPI                       |
| 3:00 PM       | G KIDS KONA                |
| 3:00 PM       | BACKYARDIGANS              |
| 3:30PM        | NEW MACDONALD'S FARM       |
| 4:00PM        | THE SHAK                   |
| 4:30PM        | KITCHEN WHIZ               |
| 5:00 PM       | G FUNNIEST HOME VIDEO SHOW |
| 5:30 PM       | G STORMWORLD               |
| 6:00 PM       | G EMTV NATIONAL NEWS       |
| 7:00 PM       | G HAUS & HOME              |
| 7:30 PM       | G TBA                      |
| 8:00 PM       | G BUSINESS PNG             |
| 8:30 PM       | PGR TERRA NOVA S1 - WITHIN |
| 9:30 PM       | G EMTV NEWS REPLAY         |
| 10:30 PM      | G AUSTRALIA NETWORK        |

TRINDE 17 OKTOBA, 2012

|               |                            |
|---------------|----------------------------|
| 5:57 AM       | G STATION OPEN             |
| 5:00 AM       | G JOYCE MEYER              |
| 5:30 AM       | EMTV NEWS REPLAY           |
| 6:30 AM       | G TODAY                    |
| 9:00 AM       | G CLASSROOM BROADCAST      |
| 9:00 - 9:40   | GRADE 7 MATHEMATICS        |
| 9:50 - 10:30  | GRADE 7 SCIENCE            |
| 10:40 - 11:15 | GRADE 8 MATHEMATICS        |
| 11:20 - 12:00 | GRADE 8 SCIENCE            |
| 1PM - 3PM     | G C/B-CASTS continues..... |
| 1:00 - 1:40   | GRADE 6 MATHEMATICS        |
| 1:50 - 2:30   | GRADE 6 SCIENCE            |
| 2:30 - 3:00   | DEPI                       |
| 3:00 PM       | G KIDS KONA                |
| 3:00 PM       | BACKYARDIGANS              |
| 3:30PM        | NEW MACDONALD'S FARM       |
| 4:00PM        | THE SHAK                   |
| 4:30PM        | MR. MAKER                  |
| 5:00 PM       | G FUNNIEST HOME VIDEO SHOW |
| 5:30 PM       | G STORMWORLD               |

|          |                                         |
|----------|-----------------------------------------|
| 5:57 PM  | G CRIME STOPPERS                        |
| 6:00 PM  | G EMTV NATIONAL NEWS                    |
| 7:00 PM  | PGR FACT FILES - EXTREME RIGHTS EXPOSED |
| 8:00 PM  | PGR DANGEROUS DRIVERS SCHOOL            |
| 9:00 PM  | G EMTV NEWS REPLAY                      |
| 10:00 PM | G AUSTRALIA NETWORK                     |

Ol Progam na Kilok i ken senis oltaim...





**NEM:** Berthlyn Huaffe  
**KRISMAS:** 16(Meri)  
**ADRES:** Passam Primary School, P.O. Box 521, Wewak East Sepik Provins  
**SAVE LAIKIM:** Harim musik, pilai soka, pilai volibol mekim pani, kisim wara, watsim TV na ritim Baibel.

**NEM:** Jimmy N. Nimms  
**KRISMAS:** 19 (man)  
**ADRES:** Kilipau village, P. O. Box 56, Vanimo Sandaun Provins  
**SAVE LAIKIM:** Raitim pas, ritim buk, harim musik, ring long fon na senisim presen.

**NEM:** Rodney Wauku  
**KRISMAS:** 25 (man)  
**ADRES:** C/- Andrew Api Vanimo CIS, PO Box 124, Vanimo Sandaun Provins  
**SAVE LAIKIM:** Harim musik, pilai soka, watsim TV, swimming na painim stori.

**NEM:** Jason Sull  
**KRISMAS:** 40 (Man)  
**ADRES:** P.O. Box 248, Madang – Madang Provins  
**SAVE LAIKIM:** Ritim Niuspepa, harim musik, kukim kaikai, wasim klos, wokabaut, trevol go kam long bisnis insait long PNG na painim poromeri long stap wantaim oltaim.  
Yu ken ring long dispela namba, 7272 2843.

**NEM:** Jimmy Ekoda  
**KRISMAS:** 20 (man)  
**ADRES:** Sangara Vocational School, P O Box 170, Popondetta, Oro Provins  
**SAVE LAIKIM:** Go lotu, pilai soka, pilai volibal, painim wanpela meri long maritim na stap wantaim oltaim.

**NEM:** Joe .K  
**KRISMAS:** 24 (man)  
**ADRES:** P O Box 1289, Goroka, EHP – 7360 3650  
**SAVE LAIKIM:** Go lotu, pilai musik singim song, pilai spots, mekim pren na planti moa.

**NEM:** Gima Target  
**KRISMAS:** 20 (meri)  
**ADRES:** Bugandi Secondary School, PO Box 1225, Lae Morobe Provins  
**SAVE LAIKIM:** Go lotu, ridim Baibel, mekim pren wantaim ol lotu manmeri, pilai ragbi,volibol and watsim TV(News).

**NEM:** Presley Tai  
**KRISMAS:** 20 (Man)  
**ADRES:** PO Box 28, Mondomil Minj, Jiwaka Provins  
**SAVE LAIKIM:** Go lotu, ritim Baibel, ritim buk, stadi skul wok, pilai ragbi, harim musik na mekim poroman wantaim arapela.

**NEM:** Belany Haikope  
**KRISMAS:** 19  
**ADRES:** Don Bosco Araimiri Secondary, PO Box 159, Kerema Gulf Provins  
**SAVE LAIKIM:** Ritim buks, pilai gems, go lotu long Sande, mekim pani wantaim poroman.

**NEM:** Bunau Dadis  
**KRISMAS:**31 (man)  
**ADRES:** Raibus Security Service Ltd, PO Box 1337, Madang, Madang Provins – 7146 7257  
**SAVE LAIKIM:** Go danis, Lukim TV, harim musik na painim gutpela poromeri long stap wantaim oltaim.

# Raun wantaim Kanage olgeta wik

Kanage go long gaden bilong em na stretim banana bilong em i stap..Kanage em wanpela pani man long ples na olgeta manmeri i save tru long stail na tokpilai bilong em..Em man bilong tanim toktok na yu bai paul olgeta long toktok bilong.. Wanpela lapun meri lukim Kanage stretim banana bilong em i stap na em singaut sapos sampela banana i mau..



# Mi gat wari na mi laikim helpim

Dia Laipain  
MI GAT 46 krismas na mi marit long meri bilong mi long 25 yias na mitupela i gat wanpela pikinini. Em i bikipela pinis na em i gat 21 krismas. Mi wok olsem wanpela draiva wantaim wanpela loging o timba kampani, na planti taim mi save stap long wok na i no tumas long haus wantaim meri na pikinini bilong mi. Meri bilong mi i wanpela sinia opisa wantaim wanpela gavman dipatmen na em i save raun long ol narapela provins long ol wok bilong em. Bikos mipela i no save stap long haus olsem famili, meri bilong mi nau i kisim promosen na go long siti wantaim nogat toksave long mi. Bihain mi painimaut olsem nau em i wok na stap wantaim man i bin givim em promosen. Mi laikim bek meri bilong mi. Bai mi mekim wanem nau?

**Desperate and Lost Husband**

**Dia Pren,**  
Tenkyu long rait i kam long *Laiplain* long serim wari yu gat long en, na kisim helpim long en. Mipela i luksave long belwari bilong yu taim meri bilong yu i ronawe na yu nogat save long en. Mipela i save kisim planti pas wantaim ol kain wari olsem i sut long marit. Pren, i luk olsem yutupela i marit long wok bilong yutupela na bikipela hul i stap namel we i lukim olsem marit bilong yu i bruk na meri i ronawe na stap nau wantaim narapela man. Mipela i sori long tok olsem long tude, planti wok manmeri i save wok i go i go na ol i no save bisi long ol famili bilong ol. Sampela i save slip long opis



na sampela em ol pikinini i save stap wantaim ol hauslain bilong ol. Tasol em i wok bilong husat long lukautim ol dispela pikinini na famili? Tru, i gat taim we yu lusim ol pikinini na famili long wan wan taim, tasol dispela kain i no gutpela long wanem, yu ken lusim tingting long wok bilong yu taim yu givim olgeta taim long wokde na wiken long wok tasol. Dispela em abius bikos tru, yu givim mani, i nogat trupela laik pasin na lukaut yu givim long pikinini bilong yu. Edvais bilong mipela long yu em, glasim na skelim sindaun bilong yu long kisim sampela luksave. Pren, olgeta samting i gat as long kamap. Mipela i bilip olsem sapos yu save long wanem as tru na hevi i kamap long bilong yu, em i ken helpim yu long kisim luksave na stretim. I moabeta yu toktok wantaim kampani bos bilong yu long hevi i kamap long marit bilong yu na ol i ken daunim ol awa yu wok long en na bai yu ken i gat taim long stap wantaim famili bilong yu na stretim hevi. Pren, i mas gat sampela arapela as na watpo meri bilong yu i lusim yu na pikinini bilong yutupela. Yu traim long serim ol hevi bilong yu wantaim ol narapela famili memba? Yu ken toktok tu long ol narapela

savelain husat i ken givim yu ol gutpela toktok na sapot taim yu bungim hevi. Mipela i luksave olsem yu laikim yet meri bilong yu na yu laikim em bek. Yutupela i stap insait long marit long 25 krismas na em i hat long brukim ol samting we yutupela i bildim longpela taim. Pren, sapos yutupela i marit long sios, pasin kastom o long gavman rejistri, meri bilong yu i wokim adaltri o bikipela rong pinis taim em i raun wantaim narapela man. Yu traim long toktok wantaim meri bilong yu long wanem samting yu pilim long en? I moabeta yu go lukim welfea opisa klostu long hap yu stap long en long toktok long dispela wari bilong yu na ol bai helpim yu. Maski wanem samting, God i laikim yumi stret wantaim ol lain we yumi laikim tasol ol i mekim samting long givim yumi hevi. Em no save lusim yumi. Ritim Hibru 13 ves 5. Bilip long em tude taim yu painim ol rot long stretim hevi yu gat long en na ritim tu Proverbs 3 Ves 5 na 6. God i ken stiaim yu long ol disisen yu wokim. Pren bilong yu

**Laiplain**

*Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.*

**Laiplain**



# OCCD karimaut bikipela wok konsaltesen long klaimet senis, insait long kantri

Opis bilong Klaimet Senis na Developmen (OCCD) i wok karimaut wanpela bikipela wok konsaltesen wantaim kain kain ol stekholda, long gavman, sivil sosaiti, praiwet sekta na ol lokol komyuniti.

Dispela i bihainim wanpela longpela wok paitim tok wantaim wanwan ol stekholda long 2010 taim OCCD i bin raitim wanpela Klaimet-Kompatibel Developmen Strateji. Long dispela taim, OCCD i no bin kamap yet, na i no bin gat inap risos long karimaut bikipela moa wok konsaltesen i go aut long ol provins na ol risos ona.

Wok nau i go het i promotim tu bilip bilong Gavman long Yunaitet Nesens Fremwok Konvensen long Klaimet Senis (UNFCCC), we i askim olgeta Pati long dispela Konvensen long promotim klaimet senis long Edukesen, Trening, na Pablik Awenes.

Konsaltesen wok em bilong:

- Toksave na givim skul long ol stori bilong klaimet senis na ol arapela rot bilong klaimet-kompatibel developmen
- Kisim luksave bilong ol nid bilong ol lokol komyuniti, na tingting bilong ol, long bungim insait long nesenel strateji
- Kamapim ol wokbung pasin namel long ol gavman dipatmen, provinsal atoriti, na sivil sosaiti
- Strongim lokol gavman long telemautim nesenel strateji na sekim komyuniti laik na strong bilong ol long stap insait long ol REDD+ skim

Provinsal wok konsaltesen

Taim OCCD i wok bildim save bilong en long karimaut ol provinsal wok konsaltesen insait long ol mun i go pinis, i gat ol salens i stap long sait bilong strong bilong ol presentesen na komyunikesen samting. Dispela yia, olsem wanpela wok i go het, ol komyunikesen samting bai bihainim ol odiens grup, na tu, bai ol i tanim i go long Tok Pisin na Motu, long ol buklet, brosa, flaia, posta, vidio na katun. Ol dispela samting em i isi long salim i go aut long ol lain i sindaun long ol provinsal wok konsaltesen.

Provinsal konsaltesen bai go het long strongim awenes long ol birua bilong klaimet senis na strongim nesenel strateji (Klaimet Kompatibel Developmen Strateji).

- Bikipela wok dispela yia, em long sanapim ol kontek insait long ol provins. OCCD i plen long sanapim na holim strongpela wokbung pasin wantaim wanwan ol manmeri insait long wanwan provins bilong tilim ol klaimet senis infomesen na long kisim bekim long ol komyuniti, ausait long ol wok konsaltesen. Dispela manmeri em i ken provinsal foresta, klaimet senis opisa o envairomen opisa.
- Moa long en, em i wanpela bikipela wok bilong OCCD long givim ol fidbek o bekim ripot i go long ol provins, bihainim kamap bilong wanwan provinsal wok konsaltesen. Ripot bai gat ol narapela wok bilong go het long sait bilong OCCD, na tu ol provins husat i mas mekim wok.

Ol stori na namba i kamaut long ol provinsal wok konsaltesen bai kamap olsem as tru bilong nesenel klaimet senis polisi.

Ol samting i kamau long 12-pela provinsal konsaltesen, em ol i yusim long sanapim nesenel klaimet senis polisi. Dispela em i bungim tok bilong sampela ol samting mipela i painimaut long ol bikipela Klaimet Senis Adaptesen birua na ol Mitigesen o daunim wok ol provins i mekim.

Adaptesen hasad o birua em i sut long wanpela klaimet senis birua; we i ken givim hevi, na mitigesen i sut long ol wok insait long Forstri, Agrikalsa, riniaul enejia sekta, na ol arapela laip-stail pasin olsem iko-turism bilong ol lokol Papua Niugini long bihainim long kamapim wanpela grin ekonomi bilong yumi olgeta.

Manus

Ol bikipela klaimet birua bilong provins em:

- Solap bilong solwara
- King tait
- Sik malaria

Ol fores na solwara konsavesen wok i stap

pinis, o bai kamap:

- REDD+ projek long Pere
- Koral na solwara baioadaivesiti konsavesen long Tulu, Andra na Lou
- Bikipela lo kabon groa wok i sanap olsem:
- Sola pawa
- Haidro pawa
- Iko-Turism

Milen Be



- Moa long taitwara long ol nambis ples, bikipela paitim tok i sut long bikipela lusave bilong ol rot bilong sindaun wantaim ol hevi agensim ol senis long mak bilong agrikalsa kaikai bilong provins.
- I gat tripela fores konsavesen eria i stap long provins
- I gat tripela nupela hap bilong haidro pawa olsem ol lo kabon groa wok na ekonomik developmen

Wes Nu Briten



- Bikipela wok bilong provins em long ol mitigesen o wok daunim hevi.
- Provins i autim olsem taitwara long ol nambis eria na solwara solap em i bikipela klaimet senis birua.
- I gat tripela konsavesen eria i stap we i ken lukim wok REDD+ i kamap.
- WBNP em ol i makim olsem wanpela long ol pailot projek bilong PNGFA long sait bilong RIL na Sekonderi Fores Menesmen

Wes Sepik



- Bikipela wari long sindaun wantaim hevi em sik malaria, na taitwara long nambis na bus ples.
- Rotary Against Malaria i wok tilim ol taunam i go long ol komyuniti. Tasol ol komyuniti i wok yusim ol taunim long narapela ol wok.
- Nogat rot bilong kisim ol sikmanmeri i go long helt klinik em i bikipela as bilong ol i dai na sik bilong ol i go bikipela
- Ol komyuniti i save yusim ol tumbuna marasin bilong kilim na banis agensim sik malaria
- Level o mak bilong save na klia long REDD+ em i bikipela samting long provins
- I gat paitim tok long paul toksave long kabon treding long bipo klaimet senis opis
- Nogat inap awenes long ples, na ol longwe ples komyuniti, na dispela i lukim ol asples i sainim pepa na graun i go long ol logging kampani

Westen Hailans

- Bikipela wari bilong wok bihainim em long taitwara bilong Wara Waghi, wantaim tu senis long mak bilong ol gaden kaikai i karim, na sik malaria (bikos i nogat inap



- awenes long malaria olsem wanpela helt birua)
- Gavana na PA i kamapim wanpela klaimet senis wok insait long opis bilong ol
- WHP em i wanpela long ol provins i yusim integretet wok plening bihainim ol wod kaun-sol
- Plen bilong kamapim wanpela 1000-m komyuniti rifestesen projek bihainim Wara Waghi, aninit long wokbung wantaim Nesenel gavman

Simbu



- Bikipela adaptesen o wok bihainim hevi em long ol graun-bruk, na senis long mak bilong ol agrikalsa kaikai karim na sik malaria (nogat inap awenes long sik malaria em i wanpela helt birua)
- Gavana na PA i kamapim wanpela klaimet senis wok progrem insait long opis bilong ol
- I gat plen bilong kamapim wanpela 1000-m komyuniti rifestesen projek bihainim Nesenel Haiwe, aninit long wokbung wantaim Nesenel Gavman.

Morobe

- Bikipela wari em long sik malaria na ol arapela sik, na ol graun-bruk na senis long mak bilong agrikalsa gaden kaikai.
- I gat 8-pela konsavesen eria i stap insait long provins, na faipela nupela REDD+ projek sait.
- Provins i gat bikipela strong bilong haidro-pawa, nau yet wara saplai i kam long Ramu Yonki haidro pawa stesin.

Nu Ailan

Bikipela wari em solap bilong solwara na taitwara long ples nambis, agensim daunim long mak bilong ol gaden kaikai na sik malaria na ol arapela sik.

- I gat 6-pela fores konsavesen eria we i gat strong inap long REDD+
- ripela lo-kabon groa progrem (tupela haidro pawa na wanpela jiotemal projek) strong inap long narapela kain laip sindaun projek
- Sanapim wanpela Klaimet Senis, Forestri na Envaironmen Divisen insait long Provinsal Administresen

Otonomas Rijen bilong Bogenvil (ABG)

- Bikipela klaimet senis birua em solap bilong solwara na taitwara long ples nambis.
- Tripela fores konsavesen ples i stap, na faipela diforestesen ples
- tripela ples bilong mini haidro pawa olsem LCG wok, na ol arapela laip sindaun wok i stap

Jiwaka

- Bikipela klaimet senis birua long provins em senis long mak bilong gaden kaikai, taitwara long ples bus na sik malaria na ol arapela sik.

Ol projek sait i stap long ol eria long Jimi na Waghi veli bilong ol agrikalsa ekstensen projek. Rifestesen bilong ol iukaliptus diwai long 1000 hekta graun long sait bilong WAgghi Riva. Provinsal Forest bai givim ol fri sidling bilong ol komyuniti i laik givim 1000 hekta bilong ol ri-pati i stap insait long projek em: ol papagraun bilong Wara Waghi, wanwan ol LLG, provinsal gavman na forestri.

Is Nu Briten

Provins i tok nambis ples taitwara na solap bilong solwara em ol bikipela klaimet senis hevi long provins.

Ol fores konsavesen projek i stap pinis na bai kamap:

- Wail laip Menesmen Eria (WMA) long Tavolo i stap long Pomio na Gazelle distrik
- Ol i makim ol dispela ol Lo Kabon Groa wok;
- Iko-Turism
- Jiotemal
- Daunstrim Prosesing
- Agrikalsa

Madang

- Provins i makim ol dispela klaimet senis birua:
1. Taitwara long nambis na solap bilong solwara
  2. Taitwara long ol bus ples
  3. Sot long mak bilong gaden kaikai karim
  4. Bagarap long ol rip
  5. Graun-bruk
  6. Malaria na ol arapela sik

Fores konsavesen eria long Karkum, Gildi, Pasi, Adelbert Range – Almani LLG, Wanang-Transgogol, Ohuru, Baitabae i sanap, Not Kos (Wasap), Giri-Bogia, Ambenob LLG, na Sumkar Distrik, em long banisim ol praimer fores bilong eria. Planti long ol bikbus graun em ol i senisim i kamap ol komesal agrikalsa gaden na ples logging. Ol patisipen i autim ol Ridius Impek Logging, yusim graun plening na agrikalsa ekstensen progrem olsem ol bikipela wok insait long provins.

Madang i gat strong bilong kamapim klin enejia, oslem sola; win na haidro, bai poromanim yusim gut bilong ol risos.

Tasol dispela bai nidim moa pablik na/o praiwet invesmen. Karkar jiotemal em i stap long faundesen stes bilong em tasol.


Bungim tok bilong ol provinsal wok konsaltesen

Long 12-pela provinsal fidbek ripot mipela i kisim, namba wan bikipela birua, em i taitwara long ol nambis ples, na solwara solap i bungim 8-pela nambis provins.

Foapela Hailans provins mipela i go long en, i tok sik malaria na ol arapela sik em ol bikipela birua. Namba tu bikipela hevi em senis long mak bilong ol gaden kaikai karim bilong ol Hailans na Nambis provins wantaim. Namba tri bikipela samting em taitwara long ol busples bilong 11-pela provins.

Piksa 1: Adaptesen Fidbek i kam long 12-pela provins.

Blupela kala i soim top prairiti o namba wan hevi, marun i soim namba tu hevi, na grin em namba tri hevi




Lo Kabon Groa

Bihainim 12-pela provinsal ripot, i gat 7-pela inisativ o wok bilong Lo Kabon groa olsem ol i stap long bag rap, tasol foapela wok i stap insait long planti provins em haidro pawa, olsem namba wan wok insait long ol provins. Namba tu wok em iko-turism.

Sampela provins i luksave long strong bilong sola na win olsem ol namba tri wok bilong kamap long bihain taim, bilong mekim pawa.

Piksa 2: Ol Lo Kabon Groa Wok





# Draf Klaimet Senis Polisi i kamap long savemak na skul bilong opis i gat saiens wok glasim

Draf Klaimet Senis Polisi bilong kantri em i kaikai bilong tupela tupela yia wok save na skul i kam long wanpela opis i kisim gutpela saiens wok glasim.

Opis bilong Klaimet Senis na Dvelopmen (OCCD) i kisim taim bilong bihainim isi, na bungim save long dispela samt-ing, na em i bungim wantaim saiens wok glasim bilong givim stori long kantri sindaun bilong yumi, na bihain, bungim olgeta long wanpela strateji bilong stiaim wokabout bilong PNG long dispela.

OCCD i wok long wok strong bilong karimaut wok konsaltesen long olgeta level bilong komyuniti, wantaim tu provinsal konsaltesen.

Wok konsaltesen i lukluk long; toksave na givim skul long ol tru tru mining bilong klaimet senis na ol rot bilong painim developmen i poromanim klaimet senis; kisim tingsave bilong ol asples komyuniti, na ol nid bilong ol, bilong bungim insait long nesenel strateji; kamapim ol wokbung pasin namel long ol gavman dipatmen, ol provinsal atoriti, na sivil sosaiti; strongim lokol gavman bilong toksave long nesenel strateji na traim komyuniti laik na strong bilong stap insait long ol REDD+ skim.

Long ol provinsal konsaltesen, 12-pela provins i kisim luk-save bihain long NEC i tok oraitim Klaimet Kompatibel Dvelopmen Strateji (CCDS) long 2010.

Ol konsaltesen program i ron insait long ol nesenel na provinsel wok olsem ol nesenel komiti na provinsal administresen na komiti na i kamapim; ol bungim ol stekholda woksop, pablik awenes forum, ol skul visit na ol redio tok-bek so, ol laiv intaviu na ol arapela midia sesen.

Ol dispela em ol arapela wok OCCD i wok mekim long telemautim infomesen long klaimet senis;

- **Awenes Matiriel:** OCCD i kamapim ol awenes matiriel bilong tilim i go long ol komyuniti long ol redio drama, ol skul awenes program, na tu, olsem ol sumatin na sios autris program. Ol komyunikesen matiriel, em ol i mekim bihainim ol odiens grup insait long fomet bilong PawaPoin presentesen, ol fek sit pepa, ol posta, ol infomesenal vidio, na ol katun.

Rijenal Klaimet Senis Polisi konsaltesen program bai kamap long wik bilong 14 i go inap 23 Oktoba, 2012 long ol dispela taim na ples:

- Sauten Rijen: Mande, Oktoba 15, 2012 long Grand Papua Hotel long Pot Mosbi, Nesenel Kapitel Distrik
- Hailans Rijen: Trinde, Oktoba 17, 2012 long Pacific Gardens Hotel long Goroka, Isten Hailans Provins
- Niugini Ailans Rijen: Fraide, Oktoba 19, 2012 long Kokopo Beach Bungalow long Kokopo, Is Nu Briten Provins
- Noten Rijen: Mande, Oktoba 22, 2012 long CoastWatchers Beach Resort, long Madang, Madang Provins



- **Wanpela 10-episod redio drama long Tok Pisin** i kamap long 2010, na bai go aut long ol nesenel na provinsal redio stesin long PNG aninit long stia bilong National Broadcasting Corporation (NBC) redio netwok. Bihainim ol bekim long drama, OCCD bai go het long brodkastim o kamapim wanpela nupela redio drama. Insait long ol provinsal konsaltesen, OCCD bai go het long holim ol laiv tok paitim long ol provinsal redio stesin wantaim ol pipel long klaimet senis topik wantaim ol askim na bekim (Q&A) program.
- **Edukesen Karikulum:** Bilong strongim luksave bilong ol hevi bilong klaimet senis, OCCD i wok painim rot bilong wok wantaim Dipatmen bilong Edukesen na ol NGO bilong bringim klaimet senis olsem hap bilong skul karikulum bilong ol skul sumatin.
- **Skul Awenes Program:** OCCD bai wok wantaim ol NGO long karimaut ol klaimet senis program na edukesen matiriel long ol klaimet senis topik insait long ol skul awenes raun, na i go aut moa long ol lokol patna.
- **Sumatin wokim Awenes:** OCCD i tingting long opim wok ol i mekim las yia bilong strongim ol awenes ol sumatin bilong yunivesiti i mekim na pulim moa sumatin long UPNG na ol arapela yunivesiti long kantri. Astingting bilong dispela em long karamapim planti kain kain

provins na wokbung wantaim provinsal administresen o sivil sosaiti ogenaísesen we wokbung i stap pinis.

- **Gavman Wokbung:** Insait long gavman, Nesenel Klaimet Senis Komiti bai go het long bung olgeta mun long 2011 long strongim ol klaimet senis polisi na wok. Wanpela namba tu Gavman Woksop bai kamap long givim apdet long wok i kamap pinis, na kisim bekim.
- **Wanpela Ministerial Komiti,** aninit long siaman bilong Praim Minista, bai kamap bilong bikpela gavman wok long ol klaimet senis wok. Moa long en, OCCD i wok mekim ol liklik miting pinis wantaim wanwan ol minista.
- **OI NGO:** Insait long sivil sosaiti, OCCD i mekim wanpela woksop wantaim ol NGO las yia na i gat plen i stap bilong mekim moa wok wantaim ol NGO. Wanpela long ol dispela kain woksop bai kamap dispela yia wantaim ol NGO na CBO long PNG long toktok long ol topik long REDD+ wok karimaut.
- **OCCD na Kaunsil bilong ol Sios (CoC)** i wok long wok long wanpela MoU long makim klia ol rot bilong wokbung na go het. Dispela i ken lukim bungim ol memba bilong CoC Frateniti insait long Nesenel Konsaltesen TWG na makim ol sios autris program.
- **PNG Semba ov Komes:** OCCD i plen long toktok long hevi bilong klaimet senis wantaim bisnis komyuniti na tilim ol klaimet senis toksave i go aut long komyuniti bihainim netwok bilong ol, na tu, long kamapim moa wokbung long karimaut wok agensim klaimet senis long PNG, long ol eria bilong mitigesen na adaptesen long klaimet senis.
- **OI Praivet Sekta Kampani:** OCCD i lukluk long bildim wanpela wokbung wantaim ol bikpela praivet sekta kampani olsem Coca Cola Amatil, SP Brewery, Bank South Pacific (BSP) na Digicel long wokbung long givim ol klaimet senis toksave long ol program bilong ol, o bihainim netwok bilong ol.
- **Dvelopmen Patnas Forum:** OCCD bai go het yet long tok klia na kisim bekim long ol stekholda bilong strongim nesenel konsaltesen wok na klaimet senis wok bihainim Nesenel Konsaltesen TWG olgeta mun, na Dvelopmen Patnas Forum.

- **Advaisari Bod:** Wanpela indipenden Advaisari Bod bai kamap, we i gat namel long 5 na 8 domestik na intanesenel stekholda i gat gutnem na savemak, na tu, i gat save long skul na yuni, pablik sekta, praivet sekta, na sivil sosaiti. Bikpela astingting long en, em long givim gutpela savemak tok stia long NCCC na dvelopmen i ken poromanim klaimet senis, na long autim save na givim PNG wanpela intanesenel luksave na tingting.

- **OI Infomesenal Vidio:** OCCD i wok long mekim 7-pela infomesenal vidio long tok Inglis we bai ol i tanim i go long tok pisin bihainim ol dispela eria; Adaptesen, REDD+, Lou Kabon Groa, Mesamen, Ripoting na Verifikesen (MRV), Saiens bilong Klaimet Senis, ol Mangro, na wanpela ful 50 minit dokumenteri vidio long Klaimet Senis long Papua Niugini.

- **Niusleta:** OCCD bai go het long salim ol e-niusleta long apdetim ol nesenel na intanesenel stekholda long ol wok dvelopmen wantaim klaimet senis long PNG.

- **Websait:** Moa long en, OCCD i gat wanpela websait wantaim ol toksave i save go aut oltaim, ol nius apdet na infomesen long klaimet senis, na yu ken sekim long <http://www.occd.gov.pg>

- **OI Midia Rilis** long ol OCCD wok na program i save go aut long midia – ol niuspepa, redio na televisen, bilong toksave long pablik long wok OCCD i mekim.

Konsaltesen em i hap bilong olgeta wok program, na moa yet, REDD\_+ program. Konsaltesen i kamap na bai go het yet long kamap bikos em i stap long ol loa na konstitusen na bihainim ol intanesenel loa na stia long REDD+ implimentesen, o wok karimaut.

Wanem ol REDD+ wok bai nidim konsaltesen long graun level. Ol provinsal konsaltesen bai go het neks yia 2013. Dispela yia em long bungim ol lain na strong pasin wokbung long provinsal level, moa konsaltesen bai go aut long distrik na komyuniti level. Olgeta dispela samtng i nidim bikpela ol risos na strongpela ol wokbung bilong karimaut dispela program.

| Southern Region Policy Workshop 15 <sup>th</sup> October 2012, Grand Papua Hotel, Port Moresby |                                                                                   |                                                                                                                       |
|------------------------------------------------------------------------------------------------|-----------------------------------------------------------------------------------|-----------------------------------------------------------------------------------------------------------------------|
| 8:30am                                                                                         | OCCD and UNDP Mission Team                                                        | Registration of workshop participants                                                                                 |
| 8:45- 9:00 am                                                                                  | OCCD                                                                              | Opening Prayer                                                                                                        |
| 9:00-9:10am                                                                                    | Varigini Badira<br>Acting Executive Director                                      | Welcome Remarks                                                                                                       |
| 9:10-9:30                                                                                      | Chief Secretary- Manasupe Zurenuoc                                                | Official Opening Remarks                                                                                              |
| 9:30:10:00am                                                                                   | Minister for Forestry and Climate Change- Honorable Minister Patrick Prualitch MP | Official Keynote Address                                                                                              |
| 10:00 – 10:15 am                                                                               | OCCD – Gwen Sissiou                                                               | Background and Organizational Context of National Climate Change Policy – workshop objectives and outline of sessions |
| 10:15 – 10:30 am                                                                               | Gwen Sissiou                                                                      | Session 1: Table of Contents, Rationale, Vision and Mission                                                           |
| 10:30 – 10:45 am                                                                               | Morning Coffee/Tea Break                                                          |                                                                                                                       |
| 10:45 – 11:15 am                                                                               | Gwen Sissiou                                                                      | Session 1: Table of Contents, Rationale, Vision and Mission (continued – plenary)                                     |
| 11:15 – 11:30 am                                                                               | William Lakain                                                                    | Session 2: Principles                                                                                                 |
| 11:30 – 12:30                                                                                  | Jacob Ekinye                                                                      | Session 3: Thematic Areas                                                                                             |
| 12:30 – 1:30 pm                                                                                | Lunch Break                                                                       |                                                                                                                       |
| 1:30 – 2:15 pm                                                                                 | Joe Pokana                                                                        | Session 3: Thematic Areas continued                                                                                   |
| 2:15 – 2:30 pm                                                                                 | Afternoon Coffee/Tea Break                                                        |                                                                                                                       |
| 2:30 – 3:45pm                                                                                  | Joe Pokana                                                                        | Session 3: Thematic Areas continued                                                                                   |
| 3:45 – 4:00 pm                                                                                 | Joe Pokana/Gwen Sissiou                                                           | 1 Summary/ Conclusion/Next Steps                                                                                      |



# PNG i ken lainim long Taiwan

PAPUA Niugini i ken lainim na lukluk long Taiwan (Pipel Ripablik ov Saina long Taiwan) long strongim sait bilong fud na enej sekyuriti, Het bilong Taiwan Tred Misin, Daniel Hu, i bin tok long bung bilong selebretim 101 Nesenel De bilong Taiwan long las wik Fraide, Oktoba 8.

Samting olsem 200 pipel i gat sampela palamen memba, ol diplomat, ol bisnis lain na ol poroman bilong Taiwan i bin bung insait long wanpela belo taim kaikai long Dynasty Restron insait long Visen Siti long Mosbi long harim ol toktok bilong ol ges spika, hetman bilong Taiwan Tred Misin long PNG na lukim TV i soim ol wok kamap na developmen i kamap long Taiwan insait long 101 krismas em i kisim indipenden bilong em.

Taiwan i wanpela strongpela ikonomi, demokresi na wol lida long bisnis na teknoloji wol.Dispela em i namba 5 yia we Taiwan i bin holim demokretik presidensel ileksen.

PNG i ken lainim planti samting long Taiwan.

Maski em i nogat planti risos na graun, em i yusim save bilong risos bilong em ol

pipel long strongim sait bilong menufeksarim o mekim ol masin, ol nupela teknoloji na sait bilong agrikalsa na fising, na kamap namba 13 long 144 kantri bilong wol long gat strongpela ikonomi i groa gut bikos long gutpela bisnis envaironmen.

Mista Hu i bin tok amamas long namba wan tred fea i bin go gut tru wanpela foren misin long PNG i holim taim em (Taiwan Tred Misin) i bin holim Taiwan Tred Fea long Kraun Plaza long stat bilong dispela mun.

“2012 Taiwan Tred Fea i bin ron lon g Septemba 26 inap long de namba 28 i bin go gut stret na mipela i amamas tru.Wanpela bisnis grup i bin gat 7-pela lain i makim ol kampani long Taiwan i bin kam na soim ol prodak bilong ol olsem ol sola enej aplikesen, bildin hatwe, hairdo tebain, ol komesen ekondisena na moa. Na ol bin bung wantaim ol bisnis lain long PNG i laik wokim bisnis wantaim ol lain bilong Taiwan,” Mista Hu i bin tok.

Em bin tok moam tu olsem ikonomi bilong Taiwan na PNG i helpim wanpela narapela, na i n o samting bilong resis wantaim.

“Yumi ken kamapim win-win situesen na moa yet, long eria bilong fud na enej sekyuriti.

“Mi bilip olsem PNG bai lukluk gen long Taiwan.

“I moabeta long PNG i glasim gen foren tred na invesmen polisi o loa na wokim senis long wanem, em (PNG) nau i wok long strongim wok long dispela eria long is na i no long wes tumas.

“Dispela em i wanpela gutpela sans Bikman i givim long kisim strongpela bilong Taiwan long sapotim PNG long developim kantri.Dispela i ken kamap bikos long “luk not npolisis long promotim wok poroman namel long tupela long sait bilong ikonomi an init long fremwok bilong Pasifik Ailan Forum (PIP), Esia Pasifik Ikonomik Koporesen (APEC), na Wol Tred Ogenaisesen (WTO). I mas gat stia na glasim wok long foren polisi bilong PNG long mak bilong groa na ol senis i wok long kamap kwik-taim long wol.Ripablik bilong Saina (Taiwan) na PNG i ken gat gutpela stap na wokim gut long sait bilon g wok mani na tred sait,” Mista HU i bin tok.



**STRONGIM WOK AGRIKALSA:** Mista Hu i prisenim wanpela bikpela wata melon i go long Gavana Jenerel Se Michael Ogio. Ol i groim wata melon long Laloki NARI we Taiwan i givim teknikel sapot. **Poto: Gavana Jenerel Midia**

# PNG bai kisim US\$5 bilion dinau long China EXIM Benk

**James Kila i raitim**

**PAPUA Niugini bai kisim dinau mani mak olsem US\$5 bilion i kam long EXIM Benk bilong China long stretim ol rot na bris long kantri insait long 5-pela yia.**

Tresera Don Polye i bin tokaut long dispela i no long taim i go pinis.

Dispela US\$5 bilion em long PNG Kina em moa long K13 bilion dinau kantri bilong yumi bai kisim long China.

EXIM Benk em i min “Expot na Impot” benk bilong China na dispela fainensol ogenaísesin i save helpim planti ol developing kantri insait long wol olsem Afrika, Esia na tu long Latin Amerika.

Planti ol kantri long wol i stretim gut infrastraka olsem rot na bris bilong ol bikos long helpim ol i kisim long EXIM Benk bilong China.

Mista Polye i tok olsem Prait Minista, Peter O’Neill i tokaut olsem insait long dispela mani mak samting olsem K6 o K7 bilian em bai kam olsem lon o dinau long EXIM Benk we em i sapotim stret. Tasol em praim minista i tokaut tu olsem PNG i ken kisim sampela moa dinau mani antap long dispela.

Tresera i tokaut tu olsem long ol toktok ol i mekim wantaim ol lain bilong Gavman bilong China na EXIM Benk em olsem PNG i ken kisim lon o dinau inap long

US\$5 bilien.

Mista Polye i tok tu olsem planti ol lain i wok long tok-tok tumas olsem PNG i asua long go long China. Ol i tok em bikpela dinau tumas, na olsem wanem tru bai PNG i bekim dispela dinau.

“Yupela ken lukim olsem em bikpela mani, tasol sapos mipela i yusim gut long ol wan wan yia na yusim mani gut long wok bilong en stret, mipela ken stretim planti ol hevi we i kamap long ol bikpela rot na bris na ol narapela samting insait long PNG,” Mista Polye i tok.

Mista Polye i tokaut tu olsem ol ripot we em i kisim long Treseri Dipatmen bilong em i soim olsem bikpela Hailans Haiwe bai nidim samting olsem K2 i go K3 bilion long stretim gut gen, na Yonki Haidro Pawa projek bai kos narapela K2 bilion long stretim hevi bilong pawa saplai hevi.

“Olsem na mi laik tok olsem EXIM Benk bilong China em rait benk we i orait long mipela i kisim mani long taim nau we mipela i go insait long ekonomik developmen na mipela i askim ol na ol i redi long helpim mipela,” Mista Polye i tok.

“Mi laik tok olsem kain helpim bai no inap kamap narapela taim gen.” Em i tok.

Mista Polye i tok tu olsem insait long planti ol yia i go pinis PNG i bin gat bikpela tingting long i gat kain kondisen olsem, we Kina o



**ROT WOK:** Wanpela bikpela rot projek we Gavman bilong China i helpim long wokim em Usino Mausrot i go Yamagi rot long Usino-Bundi distrik long Madang provins.

mani bilong yumi em i orait na maikro ekonomik kondisen i orait na ol bailateral rilesin na pasin-poroman wantaim ol ovasis benk

i stap long helpim yumi.

“Mipela mas lukluk i go autsait long kisim ol risoses long helpim yumi,” Mista Polye i tok.

Tresera Polye i tokaut tu olsem ol i ken kisim insait long fainensal domestik maket tasol dispela bai i no inap.

Em i tok olsem i laik mekim sampela ol gutpela na bikpela projek olsem na EXIM Benk bilong China em wanpela rot we i ken helping



# PNG Stap long wol maket wantaim Oil

**Nicky Bernard i raitim**

YUMI ken toktok long LNG projek we bai kamap klostu taim, tasol yumi no tingim olsem oil bilong yumi tu i wok long stap long wol maket.

Interoil bin givim sans long ol nius manmeri long raun long ples bilong ol we ol save kamapim oil bilong yumi na bihain salim go long wol maket.

Dispela fektori bilong ol i stap autsait tasol long Mosbi Siti, na em olsem wanpela liklik taun bilong em yet.

Dispela graun ol kamapim fektori long em, gavman bilong Papua Niugini kisim long taim long han bilong ol papa graun, olsem na InterOil kisim long gavman na kamapim dispela fektori bilong oil bilong yumi.

Dispela liklik hap taun ol save kolim Napanapa, em save lait olsem wanpela liklik siti long nait taim yu stap long Pot Mosbi bris na lukluk i go.

InterOil, em bikipela kampani stret insait long Papua Niugini, em save givim fiul bilong ol kar long rot, em save givim fiul bilong balus

na disel bilong sip long solwara.

Tingim, ol dispela samting i no save ron nating, em was gat fiul, disel na oil na ol dispela samting save ron na olgeta dispela samting save kam long InterOil.

Dispela fektori bilong ol long Napanapa i gat bikipela 10-pela ol bikipela tang sais bilong em inap olsem tripela haus, na dispela ol tang i gat wanwan wok bilong ol.

Wanpela em bilong wara tasol, dispela wara ol save kisim long solwara na tanim go kamap ol wara trutru, na dispela wara save kolim ol masin bilong ol bilong wok bilong ol.

Narapela ol tek tu gat wok bilong ol, na sapos ol dispela tek i pulap bai yu long ol bikipela sip bai kam pas long bris bilong dispela liklik taun.

Dispela taun tu em ol bikipela paip i ron long olgeta hap, long ol dispela bikipela tek i go long masin bilong klinim i go inap long solwara. Planti bilong dispela i gat Lo bilong em na taim yu go raun yu mas bihain ol dispela loa.

Nogat ol planti ovasis manmeri wok long hap, pes bai yu lukim em Papua Niug-



**KONTROL RUM:** Wasman bilong control rum long Napanapa i soim ol nius manmeri long wok bilong dispela kontrol rum, dispela kontrol rum save lukim olgeta wok bilong oil na ol narapela wok long hap. *Poto Nicky Bernard*

ini stret na dispela i soim olsem planti bilong yumi nau i gat save long ol dispela wok.

I gat wanpela bikipela kontrol rum long dispela hap, dispela em bilong kontrolim olgeta samting long dispela hap, olgeta paip na tang na ron bilong oil dispela kontrol rum save lukim olsem TV tasol. Wanem samting bagarap o paia kirap dispela rum tasol bai save na salim toksave go long wanem dispela hevi kamap.

4-pela manmeri save wok long dispela hap, na ol save gat sift bilong wok, taim 8-pela awa pinis narapela 4-pela gen bai kam kisim ples.

Napanapa long bihain taim bai kamap olsem wanpela siti bilong em yet na bai sindaun antap long oil na sapos wol maket bilong yumi orait PNG bai kamap wanpela kantri stret.

## CPL Lonsim Sigirapim na Win promosen

**Nicky Bernard i raitim**

CITY Pharmacy Limited (CPL) grup i kamapim wanpela promosen gen bilong strongim bilip bilong ol kastoma bilong em. Dispela promsen, em bai i stat nau na bai pinis long Disemba dispela yia, bai yu baim yu sigirapim na win. Dispela i no bilong yu go long stoa na sigirapim yu yet na winim prais, nogat.Sapos yu baim ol samting long K100 mak na go antap, bai ol givim yu wanpela hap pepa we i gat ples bai sigirapim na nem bilong ol samting yu bai winim bai kamap.

Ol kastoma bilong City Pharmacy, Stop N Shop, Hardware Haus na

Homemaker bai gat sans long winim ol bikipela prais.

Sapos ol kastoma gat riwod kad, ol tu bai still kisim poin yet sapos ol i yusim kad bilong ol long wanem stoa bilong CPL Grup.

Dispela sigirap na win promosen em CPL Grup i laik tok tenkyu long ol gutpela kastoma bilong em na givim ol sans long winim sampela ol prais.

Ol dispela prais ol kastoma ken winim em, LCD TV, beg bilong bek-sait, mobail, komputa, K200 kes mani na planti moa ol prais.

Tingim K100 em wanpela sigirap tiket na sapos yu bai planti moa samting na go K200 kina bai yu kisim tupela sigirapim tiket. Olgeta dispela tiket i gat prais bilong em.



**SIGIRAPIM NA WINIM:** Anthony Yan wantaim ol wok manmeri bilong em long Badili Stop N Shop na Homemaker i soim ol posta we ol prais stap long en. *Poto CPL*



# Wantok

NIUSPEPA BILONG YUMI OL PNG STRET!

## Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

**AIRMAIL SUBSCRIPTION RATES** (includes postage & handling)  
PNG K220.00, Australia/New Zealand US\$110.00, Asia/Pacific US\$150.00  
Rest of the World US\$210.00

**NCD HOME DELIVERY**  
80t per copy or K65.00 for two or more copies. Office pickup K52.00 per year for a copy.

Please send me.....copy/copies of WANTOK for one year.

I enclose Kina/USD..... as full payment.

Name.....  
Postal Address.....  
City.....  
State/Province.....(abbreviation)  
Country..... Zip/Postal Code.....  
Street Address.....  
Telephone.....Fax.....  
Email.....  
Signed.....Date.....

Address: Subscriptions  
Word Publishing Company Ltd  
PO BOX 1982  
Boroko, NCD 111  
Papua New Guinea

Attn: **Luke MEK** (Circulation & Distribution)





# GLASIM RAMU NICO PROJEK



*Wanpela Ramu NiCo, Wanpela Komyuniti*

# Ramu NiCo Vais Presiden Lukluk Long Ol Agrikalsa Projek

**D**AREKTA na Eksekutiv Vais Presiden bilong Ramu NiCo Menesmen (MCC) Limited, Mista Gu Yuxiang long las wik Fraide Oktoba 12 i bin mekim lukluk raun bilong em i go long ol agrikalsa projek long Astrolabe Be long Raikos distrik long Madang provins.

Dispela lukluk raun bilong Mista Gu em i mekim long luksave wanem ol wok ol lain Agrikalsa Seksen bilong Komyuniti Afes Dipatmen bilong Ramu NiCo i mekim long halivim ol rurel famas insait long Kostal paipplain eria bilong Ramu Projek.

Dispela lukluk raun tu i kamap pastaim long wanpela plen lukluk raun bilong Minista bilong Agrikalsa na Laipstok, Tommy Tomscoll husat bai go raun long lukim ol agrikalsa projek Ramu NiCo i promotim long Kostal Paipplain eria.

Mista Gu i bin mekim lukluk raun bilong em i go long Bom viles long Bugati, we Ramu NiCo Agrikalsa ofisa planti taim i save go bung wantaim ol lokal pipel long dispela viles long givim skul na trening long wok bilong planim rais, kakao na tu trening bilong planim sayor na kumu na ol arapela gaden kaikai.

Dispela wokabaut bilong Mista Gu i go long Bom viles na tu long Erima model kakao gaden em long kisim gutpela tingting na tu luksave wanem wok tru ol lain ofisa bilong Ramu NiCo i mekim long helpim ol rurel famas long stretim ol gaden bilong ol na redim gut ol kes-krop we ol i ken salim na kisim mani long sapotim sindaun bilong ol long ples na tu helpim bisnis na wok ekonomi long wan wan komyuniti na sosaiti bilong ol.

Mista Gu i bin go wantaim Komyuniti Afes Jeneral Menesa, Martin Paining wantaim deputi jeneral menesa, Stotick Kamy.

Wanpela ofisa bilong PNG Kakao Kokonas Institiut (PNGCCI), Yak Namaliu i bin joinim ol tu long dispela lukluk raun. Em i bin mekim sampela toktok long sait bilong Intagreted Pest na Disis Menesmen (IPDM) teknoloji long Erima long model blok bilong wanpela man nem bilong em John Ura. Dispela blok i stap arere tasol long rot i go long Erima.

Mista Gu yet i bin amamas long toktok wantaim ol famas long Bom viles, husat i stori long ol wok ol i kamapim long helpim ol yet insait long viles komyuniti bilong ol.

Mista Gu i tokim ol pipel long Bom olsem bikipela tingting bilong Ramu NiCo em long helpim ol komyuniti in-



PNGCCI ofisa Yak Namaliu wantaim Mista Gu i paitim toktok long sait bilong kakao



Mista Gu i mangalim rais ol famas i planim na gro gut stret

Mista Gu wantaim ol wok man i lukluk na paitim toktok long pis pond blong ol pipol long lukautim pis

sait long Projek Impekt eria bilong en long promotim wok bisnis na developmen we bai lukim ol pikinini i go long skul na kisim save na tu ol komyuniti i ken stap helti na mekim wok na stap amamas.

Mista Gu i tokim ol pipel olsem bikipela wok bilong Ramu NiCo em long developim na salim nikel na kobalt we em i kisim long graun antap long Kurumbukari maunten na salim

bihainim paipplain i go daun long Basamuk Rifaineri.

Ramu NiCo Agrikalsa supavaisa bilong Komyuniti Afes Dipatmen, Allan Wahwah wantaim trening ofisa, Aldam Bande na fil ofisa, Daniel Abuta i save wok klostu wantaim ol famas long Bom long sait bilong groim rais na salim na tu long wok bilong stretim ol diwai kakao long helpim ol famas.

Mista Wahwah i tok dispela helpim bilong Ramu NiCo em long strongim agrikalsa developmen insait long Projek Impekt eria bilong Ramu Projek we ol pipel i stap long rot we 135 kilomita paipplain bilong Ramu NiCo i ron i go daun olsem long Basamuk.

Ramu NiCo i wok long promotim agrikalsa long ol Projek Impekt eria bilong en stat long KBK, Inlen Paipplain, Kostal Paipplain na tu long

Basamuk long givim tingting long ol rurel famas long wokim bisnis na helpim sindaun bilong ol long ples, komyuniti, distrik na provins bilong ol.

Ramu NiCo i luksave tu olsem bihain long mineral long graun olsem nikel na kobalt i pinis ol pipel long Impekt eria bilong en i mas go bek long graun na wokim bisnis long sapotim ol yet na bihain taim bilong ol wantaim pikinini na tumbuna bilong ol.



## Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipplain)

**Wanpela Ramu NiCo, Wanpela Komyuniti**



# Namba wan hanbol gem



**FIL hanbol (field handball)** em i namba wan hanbol gem long kamap bipo long nambis na tim hanbol.

Narapela nem bilong fil hanbol em autdo (outdoor handball) o gras hanbol (grass handball).

Em i stat long ol bipo gem long Yurop olsem yumi bin stori long en pinis taim yumi lukluk long tim hanbol.

## Histri bilong gem

Fil hanbol i bin kamap pas bilong wanem, bipo, i no bin i gat ol bikipela haus o kot we ol i ken pilai insait.

Ol i save pilai long bikipela hap pilai graun olsem soka, ragbi na ol arapela gem we isave kamap long autsait.

Namba bilong ol pilaia, bal na sais bilong pilai graun i wankain olsem long tim hanbol bilong tete.

Fil hanbol em i namba wan hanbol gem long go insait long Olimpiks taim ol i pilai long hap namba wan taim tru long 1936.

Tasol long 1800's, tim hanbol, we ol i save pilai insait long haus o antap long kot i kamap na i winim moa luksave.

Dispela bikipela luksave na sapot bilong ol manmeri mekim planti moa manmeri save long tim hanbol na nau em i kisim ples bilong fil hanbol insait long Olimpik Gems.

## Stail bilong pilai

Stail bilong pilai fil hanbol em i wankain tasol long nambis na tim hanbol.

Mak na sais bilong pilai graun tu i wankain na namba bilong ol pilaia long tupela tim i wankain.

Olsem ol arapela hanbol gem, astingting bilong pilai em long traim na tromoi bal i go insait long gol bilong narapela tim husat ol bai traim long pasim yu.

Sais na hevi bilong dispela bal i wankain tu olsem ol arapela hanbol gem.

I save gat wanpela goli was long gol maus bilong wanwan tim.

Ol gol maus bilong ol tu i gat not na i luk olsem gol bilong soka tasol em hap liklik long soka.

## Fil hanbol long PNG

Fil hanbol i gat moa sans long kamap long Papua Niugini bilong wanem ol i ken pilai antap long ol pilai graun bilong soka o ragbi we i stap pinis.

Ol i noken wari long mekim wanpela kot bilong pilai insait olsem tim hanbol o painim spes long nambis olsem nambis hanbol.

Wanpela bikipela wok tasol we i mas kamap, em long mekim aweanes long skulim ol manmeri long save gut na pilai dispela gem.


Ol i ken stat wantaim ol gutpela developmen program wantaim ol sumatin na ol liklik manki.



**GEM BILONG BIPO:** Wanpela hanbol gem i kamap long 1960's.



**PILAI:** Wanpela fil hanbol gem.




**PILAI GRAUN:** Mak bilong pilai graun bilong fil hanbol.





**KRIKET:** Charles Amini traim long paitim bal, em topim skoa long 79 ron long Australia.



**BAL BILONG MI:** Borok Naron, bilong Sunam i ronim bal wantaim hoki diwai bilong em taim tupela NGI Wait i ron beksait long en long traim rausim. *Poto Nicky Bernard*



**MAKIM GUT:** English i makim bal bilong em long traim long abrusim narapela bal long Midia snuka kompetisen long wiken. *Poto Nicky Bernard*



**KISIM BAL:** Pilaia bilong Eksen Mobil i pilaim bal go long wan tim bilong em long gren fainol bilong Koperet tas long long wiken i go pinis long Se John Gais Stadium. *Poto Nicky Bernard*



# Smith kisim luksave olsem intanesenel pilaia bilong yia

**RAGBI Lig Intanesenel Federesen i luksave long Melbourne Storm kepten, Cameron Smith, na strong-pela pilai bilong em long 2012 sisen, na makim em intanesenel pilaia na huka bilong yia.**

Smith, husat i keptenim Storm long wanpela 14-4 gren fainal win taim ol i daunim ol maina primia Canterbury Bulldogs long mun i go pinis, i bin go pas long Kwinslen Maroons, taim ol i winim namba 7 Stet ov Orijin siris bilong ol.

Em i bin lidim Australia tu taim ol i daunim Nu Silan All Blacks long tupela tes.

Las wik Sarere nait, ol i kisim namba tu tes bilong ol long Townsville.

Tim-met bilong Smith, Billy Slater i bin winim dispela luksave bipo, long 2008, na 2011, tasol dispela em i namba wan taim Smith i kisim dispela namba wan luksave long wol.

Smith i no wanpela Storm sta bi-

long kisim luksave bilong RLIF.

Kosa bilong em Craig Bellamy i kisim luksave olsem intanesenel kosa bilong yia, na tim-met bilong em na wina bilong Clive Churchill medal, Cooper Cronk, i kisim luksave olsem namba wan hap-bek long wol.

Melbourne winga, Sisa Waqa i pinisim gutpela sisen bilong me long kisim luksave olsem Fiji Intanesenel Pilaia bilong yia.

Bulldogs prop James Graham na wanples bilong em Ryan Hall, em tupela man tasol i no bilong Australia i stap insait long tim bilong yia.

2012 Ragbi Lig Intanesenel Federesen Tim bilong 2012 em:

Ful-bek: Ben Barba (Australia)

Winga: Ryan Hall (Inglan)

Senta: Jamie Lyon (Australia)

Faiv-et: Johnathan Thurston (Australia)

Hap-bek: Cooper Cronk (Australia)

Lok: Paul Gallen (Australia)

Seken Ro: Nate Myles (Australia)

Prop: James Graham (Inglan)

Huka: Cameron Smith (Australia)

# Geale na Mundine rere long pait gen...

**TUPELA Australia boksa, Daniel Geale, na Anthony Mundine, i tok orait long bung gen long wanpela wol taitol pait.**

Tupela man ya i bin pait laspela taim long 2009, taim Geal i lusim namba wan pait bilong em long wanpela split poin disisen.

Bihain long en, tupela i no bung gen, inap nau.

Geale i kamap wanpela yunifait midolwet sempion na holim ol taitol long Intanesenel Boksing Federesen (IBF), na Wol Boksing Asosiesen (WBA).

Mundine i lus wanpela taim tasol bihain

long em i bin rausim Geale, tasol em i pulim planti sut tok olsem em i wok long paitim ol boksa em i save em i ken winim.

Geale i tok em i skin kirap long pasim dua long dispela pait bilong em na Mundine.

Em i tok nau em i taim bilong bekim bek.

"Em (Mundine) i save laik kisim ol sotkat. Yu save. Em i ting em i ken winim mi nat-ing, tasol nau, em bai narakain olgeta," Geale i tok.

"Planti manmeri bai no inap amamas olsem mi givim em sans gen bikos long ol-

geta kain mauswara bilong em. Tasol mipela i lukim olsem sans bilong mipela long pasim maus bilong me olgeta, na stre-tim asua long laspela taim mitupela i pait."

De na ples tupela bai brukim bun, em ol i wok stretim yet.

## Fiji bai hostim Pasifik Traietlon long Desemba

**FOAPELA Pasifik kantri, wantaim tu Papua Niugini, bai stap insait long Pasifik Traietlon long mun Desemba dispela yia.**

Traietlon em i wanpela spot we, ol pipel i ken resis long ronim wilwil, swimming na ron.

Dispela i min olsem ol pipel i mas resis long olgeta dispela tripela kain resis.

Long mun Desemba, Fiji bai lukim olgeta pipel, wantaim tu ol yangpela, i ken resis insait long dispela tripela resis.

Papua Niugini i makim pinis tim bilong em bilong ol man na meri long dispela ol resis.

Australia na Nu Silan i go pas long traietlon resis, na Fiji i wok long bihainim ol.

Dispela i soim mak olsem ol kantri olsem Papua Niugini i kamap klostu long dispela spot, em bipo, i nogat nem bilong en.





# Tim Simbu askim helpim

**Nicky Bernard i raitim**

TIM Simbu fanraising komiti bilong PNG Gem long Mun i kam long Kokopo i askim nau olgeta Simbu husat i stap autsait long Provins na 8-pela memba bilong ol long Palamen long sapotim dispela fanraising draiv bilong helpim ol long salim tim bilong ol i go long PNG Gems.

Siaman bilong Tim Simbu fanrasing komiti, Steven Kilage, i tok dispela bilong helpim ol long sait bilong trenspot na sampela samting gen taim ol stap long ples bilong pilai.

“Mipela Simbu les long sem gen olsem bipo long 2009 long namba 4-PNG

Gems long Pot Mosbi we mipela Simbu i strendet long Nazab ples balus, dispela samting mipela les long lukim gen. Siaman Kilage i tok.

Em tok olsem olgeta mas wok bung wantaim long stretim tim Simbu long go long Kokopo long pilai na dispela i no holide na em laik tim Simbu long winimim planti medol bilong Provins bilong ol.

Ol Simbu stap long Pot Mosbi i putim olgeta Lewa bilong ol long Tim long Provins bilong ol olsem na ol i statim pinis fanraising long helpim tim bilong Provins bilong ol.

Em tok mani mak ol mas mekim em long K300 tausen long karim ol pilai

manmeri long go long Kokopo na bilong lukautim ol long hap bilong pilai.

Dispela Fraide bai ol mekim wanpela fanraising long Crown Plaza Hotel long kik ov bilong fanraising. Ol i askim ol lain Simbu long givim lewa bilong long Provins bilong ol na kam helpim.

Siaman Kilage i tok long dispela sapos ol manmeri bilong Simbu kam long fran long helpim long sampela mani dispela em bai bikpela helpim tru.

“Bipo Gavana bilong Simbu, Fada. John Garia, i kam pinis long fran na helpim wantaim K100 tausen, memba bilong Chuave open Wera Mori i kam wantaim K50 tausen,

memba bilong Kundiawa Gembogl, Tobias Kulang, i baim tupela tebol long dispela we mani mak bilong em K10 tausen, na em laikim husat yu Simbu laik helpim mask am long dispela nait long Crown Plaza.” Kilage i tok.

Mipela laik promotim Simbu spitrit long soim olsem mipela em trutru Simbu manmeri long kamapim gutpela pilai long Kokopo long Is Niu Briten Provins long Novemba.

Ol tim Simbu komiti em, Steven Kikage, siaman, Paul Siwi, co- petron na Tony Siab, kodineta long dispela bikpela nait ges spika em tim Simbu petron na Seketri bilong Nesinal Plening Dr Peter Koura.

## Ramu Suga Soka go insait long Fainol

**Nelson Thom i raitim**

LIKLIK Taun long Ramu Suga bai kam laip long dispela wiken taim soka gren fainol bai kamap long pilai bilong ol man na meri.

Long pilai bilong ol man, depending sempion Hetura Yunaitet bai traime bon bilong ol yanpela Rains soka klab bi-

longklostu ples long Makam.

Rains bin winim Hetura long semi fainol long bukim ples long gren long wiken i go pinis, tasol Hetura go daun na pilai wantaim Sugar Roots na winim 1-0 long kam bek long bungim ol mangi Makam long gren fainol pilai we bai kamap long dispela wiken.

Hetura bai traime olgeta rot long pasim ol Rains long

noken putim olsem long semi fainol, Rains tu bai traime long mekim narapela stail long traime long skoarim gol.

Long pilai bilong ol meri, em bai olsem wankain pilai bilong las yia, United FC bai traime long holim bik dispela taitol ol winim las yia tai mol bai kisim Hetura meri long gren fainol.

Dispela tupela tim bin pilai

long las yia gren fainol na United bilong winim Hetura na dispela em bai namba tu taim tupela bai bung gen long gren fainol.

United FC bai ron aninit long Yamaros long traime long holim bek taitol bilong ol, planti bilong ol dispela pilaia bin stap aninit long Rumu pikinini soka kompetisen.

## Tonga na Tahiti i resis long hostim 2019 Pasifik Gems

OL deliget i kamap long Wallis na Futuna long vot long husat bai hostim 2019 Pasifik Gems.

Tahiti na Tonga tu i stap insait long dispela resis.

Ol i bin puti m nem bilong ol long mun Epril.

Miting bilong ol i stat asde, na fainal vot bai kamap long

Fraide.

“Ating em bai strongpela resis,” Andrew Minogue, Eksektiv Dairekta bilong Pasifik Gems Kaunsil i tokaut dispela wik.

“Tonga i bin mekim strongpela askim las taim. Ol i lus liklik tasol long Papua Niugini, olsem na nau ol i skin

kirap long traime gen.

“Tasol Tahiti i lukautim gems bipo pinis, na ol i save long mekim pinis. Ol i gat gutpela ol savemanmeri, na bid bilong ol i luk strong,” em i tok.

Husat i win bai nidim \$US70 milian long hostim 2019 Pasifik Gems.



## Ol provins i lus long inap wokmanmeri

LONG mekim wok i ron stret na pinis gut, yu nidim ol wokmanmeri long mekim kamap.

Ol provins i nidim tru ol wokmanmeri long lukim samting i kamap, tasol wantaim nupela na strongpela luksave.

Long sait bilong spots development long provins, ol atoriti i mas gat klia tingting long mekim ol rait disisen long lukim spots i kamap strong long provins bilong ol.

I kam inap nau, olgeta provins i wok long lus long dispela eria bilong gat teknikal savemanmeri i stap.

Wanpela gutpela piksa em long ol wok redi bilong PNG Gems.

Dispela em i bikpela samting. Tasol olgeta manmeri long kantri, maski i gat inap taim, i no redi.

Mi ken lukim olsem ol dispela provins i no redi, i nogat inap teknikal savemanmeri long mekim wok long taim.

Wanwan provinsal spots opis i bin kisim tok klia long go pas long dispela projek, na long ol provinsal spots opisa, mi no sutim tok long ol. Ol i nogat trening long mekim dispela kain wok.

Ol provins i pundaun nogut tru long dispela eria bilong teknikal save long inapim laik bilong ol.

Eria bilong teknikal trening bilong ol opisa, i mas namba wan samting ol i mas lukluk long en.

Wok redi bilong PNG Gems, long wanwan provins, i nogat luksave tru.

Em i bikpela samting long mekim gems i kamap gut bilong givim luksave long strong bilong ol etlit long wanwan ol provins i soim strong na save bilong ol long pilai spot.

Sapos yu laikim gutnem long provins bilong yu, yu mas mekim wok long taim, na mekim gut.

Planti taim bai yu lukim ol provins i givim bikpela mani long salim ol tim i go long Gems, tasol ol i no save mekim nem liklik.

Em nau mi tok ya. Givim mani long strongim wok trening bilong ol teknikal opisal bilong provins, na ol bai karim kaikai.

Long dispela Gems, mi laikim ol provins long lukluk long ol ples we ol i pundaun long en, na bihain long Gems i poinis, glasim gut, na bai ol i luksave long ples ol i rong long en.

## Bogenvil spot mas redi

**Alosyius Laukai i raitim**

WANPELA Setifiket Edministreta long Bogenvil, James Hasunn i singaut long ol Bogenvil spot edministreta long rediim ol spot manmeri long strong long Nesenel na Intanesenel pilai.

Em toktok long redio Dawn FM olsem ol Bogenvil i wok long go bek long pleasing bilong ol long wanem ol edministreta bilong spot i nogat plen.

Hasunn i tok bikos Bogenvil spot selekta save mekim haus kuk seleksen long rijen olsem na ol samting bai no inap kamap go long bihain.

Spot Edministreta i tok ol plen bilong spot long rijen long Atomos Bogenvil spot faundesen mas lukluk long wanem kain spot ol bai pilai long en long Nesinel na Intanesenel kompetisen.

Masta Hasunn i tok, lukluk long sais bilong Bogenvil, ol i no tingting long Ragbi lig na Ragbi Yunien, Basketbol na Volibol we gat sans long kompetisen.

Em tok long mekim i bagarap em, planti spot i no save ronim wanpela kompetisen tasol i gat pilai manmeri long go pilai long grasruts gem long Rabaul.

Toktok bilong Hasunn kam bihain long Bogenvil i redi long salim moa long 500 manmeri long go pilai long PNG Gems long Rabaul.



### BAI MI TRAIM

**GEN:** Lasark Joseph, i redi long winim bek taitol bilong em taim Pacific MMI snuka long Pot Mosbi bai kik ov tude Fonde. 64 manmeri bai resis long dispela taitol long dispela yia, 3-pela klab bai holim ol dispela pilai em Pot Mosbi Kantri Klab(POMCC) Aviat Klab na Car Klab.  
**Poto John Chan**

## 1,000 de tasol i stap

### ...bipo yumi lukim 2015 Pasifik Gems long Mosbi

NAMBA 15 Pasifik Gems bai kamap long Pot Mosbi siti long 4 i go inap 18 Julai, 2015.

Gems bai lukim moa long 4,000 etlit na tim opisal i kam long 22 Pasifik kantri long pilai resis long 28 spot pilai.

2015 bai makim namba 40 anivesari bilong Papua Niugini Indipendens, na Gems bai bikpela samting long dispela yia.

Oktoba 6 i bin makim 1,000 de tasol i stap bipo gems i op long Mosbi, na Sponsasip Prospektus lon-sim i kamap pinis.

Minista bilong Spots na Pasifik Gems, Justin Tkatchenko i tok PNG gavman i gat olgeta bilip long lukim gems i kamap gut bilong kantri.

Siaman bilong Gems Oge-naising Komiti, Emma Waiwai, i tok i mas i gat sapot i kam long gavman, na tu, olgeta arapela lain manmeri na bisnis long Papua Niugini. Ol lain i stap long ples, long taun, ol sios grup, ol spots klab, ol sosol asosiesen, na moa yet, ol bisnis.

Ol bisnis bai givim bikpela han long givim save, wokman na mani long mekim gems 2015 Gems i kamap gut.

Husat kampani i tingting long givim han long sponsasip bilong Pot Mosbi 2015 Pasifik Gems i ken salim email i go long: [png2015pacificgames@gmail.com](mailto:png2015pacificgames@gmail.com) o ring lont telepon namba 7374 6278.





**KAM KISIM:** Pilaia bilong NGI Wait i ron wantaim bal taim straika bilong Sunam traim long kisim bal long en.

# Maina Primias Sunam pundaun

Nicky Bernard i raitim

**MAINA Primia Sunam hoki tim i go daun long ol yang-pela NGI Wait long A gret man semi fainol bilong ol long Sande wiken i go pinis long Pot Mosbi.**

Dispela tupela tim i pait strong long bukim nambawan ples long gren fainol long wiken i kam tasol pilai bilong i go insat long penelti sut aut.

Tupela tim wantaim i soim olgeta stail na strong bilong ol long putim gol tasol olgeta sans bilong i go wes nating.

Ol ekspriens Sunam tim i gat planti sans long nambawan hap bilong pilai tasol dispela sans bilong ol i wok long abrusim gol mak bilong NGI.

Ol yangpela NGI wait tu gat sampela sans tasol nogat gutpela ekspiriens man long

pinis gol bilong ol olsem ol gutpela sans bilong ol i wes nating.

Long namba tu hap tupela tim wantaim i senisim pilai bilong ol, Sunam i traim long paitim ol longpela pas long traim long mekim ol yangpela NGI long paul long pilai tasol yangpela NGI i holim ol gut tru.

Sunam i gat 4-pela gutpela na klia sans long putim go tasol painim bal bilong ol i no kisim taget bilong gol mak, dispela i putim ol daun.

Pilai bilong 70 minit i pinis na ol go insait long ekstra 10 minit long wanem tupela tim wantaim i bin dro, dispela 10-pela mini tem long 5minit long wanpela sait na narapela 5-minit long narapela sait.

Dispela tenpela minit i lukim tupela tim wantaim i wok long banis go mak bilong tupela long strongim long narapela noken skoarim gol.

Dispela 10-pela minit i no longpela olsem na tupela tim wantaim i strongim sait bilong tupela long go insait long penolti sot aut.

Sunam kisim nambawan penalty na kepten bilong ol i putim gol, bihain long Sunam nambawan pilai bilong NGI kam na em tu bin bekim dispela gol bilong Sunam.

Dispela tupela golkipa bilong tupela tim i soim tru kala bilong ol long sevim ol gol. NGI gol kipa i sevim wanpela gutpela hit bilong Sunam na mekim ol i bukim nambawan ples long gren fainol long dispela wiken.

Sunam nau bai go pilai long painim husat bai stap long namba tri namba foa ples taim ol bungim lus tim bilong Bismark na NGI Wandares na NGI Wait bai wetim wina bilong dispela tupela tim tu long pilai long nambawan na namba tu ples taim ol bung gen long dispela wiken.

**CARPENTERS MOTORS**

# Introducim

• Nambawan Expiyens
 • Hamamas long Kisim
 • Tru long Yumi

- SETIFAID KILOMITAS
- 6 PELA MUN FRI SEVIS
- 6 PELA MUN ENSIN WARANTI
- SEFTI STIKA INSPEKSEN FRI LONG TAIM YU KISIM KAR (Inspeksen tasol)
- 10% DISCAUNT LONG OL PARTS NA LEIBA \*Kondisens bai aplai
- OL SAVE TENKNISEN BAI SEVISIM KAR BILONG YU
- IGAT 20 POINT MEKENIKOL SEK

Tel: 311 2233 | Fax: 311 2440 | Email: [info@carpentersmotors.com](mailto:info@carpentersmotors.com) | Website: [www.carpentersmotors.com](http://www.carpentersmotors.com)